

四庫全書

子部

欽定四庫全書

萬姓統譜卷七

明凌迪知撰

上平聲

六魚

徐

東海商音顛項之裔

嬴姓伯益之後封於徐為楚所

周徐市

方士也秦始皇與童男女各五百人入海三神山求不死藥不返

漢徐樂

燕郡無終人武帝時上書其略曰賢主獨觀萬化之原銷未形之患其要期使天下無土崩之

勢而已武帝召見曰何相見之晚曰拜為郎中

徐福

茂陵人宣朝三上書言霍氏奢僭後賜帛十疋遷為郎

徐穉

字孺子南昌人家貧常自耕稼非其力不食恭儉義讓所居人服其德太守陳蕃特設榻以禮之累舉皆不就築室隱居時稱南

徐方

字錫卿舉孝廉特補尚書郎職典樞機周容畏謹

徐栩

字敬卿由舉人少為獄吏執法詳平遷小黃令時陳留遭蝗野無遺草過小黃飛逝不集刺史行部奏相他事相弃官蝗應聲集刺史愧謝令還舍蝗即遠去後為長沙太守

徐璆

字孟玉靈帝時遷荊州刺史時董太后姊子張忠為南陽太守因執放濫賊罪數億璆臨當之太后遣中常侍以忠屬璆對曰臣身為國不敢聞命到州舉奏忠賊餘一億使冠軍縣上簿

謁大司農以彰暴其事又奏五郡太守及屬縣為賊污者悉徵案罪威風大行

徐延

漢文帝時徐生以容為禮官大夫傅子至孫徐延徐襄世其官是後言禮為容者由徐

徐

開

補尚書郎職典樞機周密畏慎和帝時為司空

累官太尉

三國徐淑

字伯進廣陵海西人寬裕博雅好學樂道隨父慎在京師鑽孟氏易春秋公羊傳禮記周書善

誦太公六韜交接英雄常有壯志舉茂才除渤海令遷瑯琊都尉

徐庶

長社人嘗薦諸葛亮於昭烈及曹操獲其母庶謂昭烈曰本欲與將軍圖事今失老母方寸亂

矣請從此辭逆歸操

徐宣

字寶堅，魏文帝時，桓範薦宣，體忠厚之行，秉直亮之性，清雅特立，不拘世俗，確然難動，有社稷

之節，歷位州郡，所在稱職，以為左僕射，詔曰：宣歷在三朝，公亮正色，有托孤寄命之節，可謂社

也。石臣

徐奕

字秀才，東莞人，仕魏，丞相長史，鎮撫西京，稱其威信，曹操嘗謂奕曰：君之忠亮，古人不過也。後

為中尉

徐陵

龍游人，東漢末為吏，虞翻一見，即與友善，任吳歷二縣長，所在著稱，遷零陵太守，子平亦仕吳

為武昌左部，儉為郎中，儀為尚書，份為洗馬

徐幹

字偉長，魏人，與陳琳、阮瑀、應瑒、劉禎、曹植、王粲皆好文章，號建安七子，騁騏驥於千里，仰齊足

而並馳

徐盛

瑯琊人人初為孫權司馬守柴桑大破黃祖兵及權稱藩魏使邢貞拜權為吳王盛怒憤曰盛

等不能奮身為國家并許洛而令吾君與貞盟不亦辱乎後領盧江太守

徐厚

字德淵慷慨有才志呂岱與共籌議逆薦拔之官至侍御史厚性忠壯好直言岱時有失厚輒諫詩又公論之或以告岱岱嘆曰是我所以貴德淵者也及厚死岱哭之曰德淵益反今不幸

吾復於何聞過乎

晉徐廣

字野民東莞人世好學至廣尤精百家無不研覽嘗撰車服儀注及晉紀四十一卷答禮問百

餘條仕晉至驍騎將軍

徐邈

字景山姑幕人魏初為禮部尚書私飲沉醉趙

連問以曹事曰中聖人魏亡歸晉太傅謝安舉

徐寧

字安期庾亮每屬桓彝覓一佳吏部及遇寧欣

然謂亮曰為卿得一佳吏部矣寧真海岱清士

徐嵩

字元高少以清白著稱符堅舉賢良為郎中遷

長安全貴戚子弟犯法者一皆考竟請託路絕

符堅

奇之

字叔胃弟賈患口癰膿潰苗為吮之其兄弟皆

早亡撫養孤遺慈愛聞於州里鄉鄰有死者助

營棺槨郡察孝廉

辟從事並不就

南
吐 徐羨之

字宗文後位司空初起布衣無學術直以局
度一旦居廟廊朝野推服有宰臣之望

徐湛之

羨之孫字孝源為南兗州刺史善政俱肅威
惠並行起風亭月觀吹臺琴室招集文士盡

游玩
之

徐孝嗣

忠烈湛之之子齊建元為御史中丞出為吳
興太守王儉贈孝嗣四言詩一首曰方軌叔

茂追清彥輔柔亦不茹
剛亦不吐在郎有能名

徐勉

字修仁東海郟人幼孤貧屬清節徐孝嗣見之
曰此人中騏驎必能致千里仕梁為吏部尚書

嘗與容夜坐有求詹事五官者勉正色曰今日
止可談風月不宜及公事累官至左僕射中書

會

徐摛

字士秀，鄭人。少好學，善屬文。仕梁，為晉安王侍讀。嘗召問經義，諸史應答如響。遷新安太守，為

政清靜，卒贈侍中。謚曰貞子陵。八歲能文，十三通老莊釋寶誌摩其頰曰：此天上石麒麟也。

徐度

字孝節，安陸人。少侷儻，不拘小節，姿貌瓌瑋。初從蕭令征諸洞，以驍勇聞。侯景之亂，尅廣州，討

畫多出於度。景平封廣德縣侯，謚忠肅。

徐伯陽

字隱忍，東海人。敏而好學，善色養。家有史書，所讀者近三十卷。仕梁，為新安太守，諸議衆

軍事

徐伯珍

龍游人。少孤貧，以箸葉學書，積十九年，遂究經史。南齊辟召不起，兄弟四人俱白首。時呼

為四皓

徐孝肅

後魏時汲郡人尚儉約養母至孝母終茹蔬飲水盛冬單縷皸瘠骨立祖禰皆負土成墳

廬於墓側四十餘載被髮徒跣遂以終身

徐陵

字孝穆揚子博涉史籍仕梁為通直散騎常侍郎及侯景寇梁父先圍在內陵蔬食布衣若居哀恤使齊還除御史中丞時安成王頊為司空權傾朝野大臣莫敢言陵奏劾之朝廷肅然累

官太子少傅卒謚曰章

徐孝克

陵之弟性孝通五經善屬文梁太清中起家太學博士侯景亂歲饑孝克養母饘粥不能

給乃剃髮為沙門乞食以給後歸俗高宗時為祭酒每侍宴取珍菓還以遺母高宗嗟嘆勅所

司餉其母

南徐君禧

字懷簡東海鄭人父緄人梁位侍中太常信武將軍禧幼聰明好學尤長于部書有問無

不對善弦歌為湘東王鎮西諮議叅軍頗好聲色侍妾數十皆佩金翠曳羅綺服玩恣以金銀飲酒數升便醉而閉門盡日酣歌每遇歡謔則飲至斗有時載妓肆意游行荆楚山川靡不畢踐朋從游好莫得見之時魚弘亦以豪侈稱於是謠曰北路魚南路徐

徐世譜

字興宗巴東魚復人世居荊州為主帥征伐蠻蠻至世譜尤勇敢有膂力善水戰梁元帝

之為荊州世譜將領鄉人事焉侯景之亂因預征討累遷至員外散騎常侍紹泰元年徵為侍中左衛將軍高祖之拒王琳其水戰之具恚委世譜世譜性機巧解舊法所造毬械並隨機損益抄思出入永定二年遷護將軍謚曰桓

徐宣

字寶堅廣陵人避亂江東又辭孫策之命歸心於太祖辟為司空掾會馬超作亂大軍西征太

祖見官屬曰今當遠征而此方未定以為後憂宜得清公大德以鎮統之乃以宣為左護軍留統諸軍還為丞相太祖崩文帝踐阼謂宣社稷之臣賜爵關内侯文帝即位封宣津陽亭侯邑三百戶年六十八因疾辭遜位帝詔不許青龍四年薨詔曰宣體履至實直内方外恩在三朝公亮正色有託孤寄命之節可謂柱石臣也贈車騎將軍諡曰貞侯

徐耕

晉陵延陵人元嘉二十二年大旱人饑耕詣縣陳辭以米千斛助官振貸縣為言上當時議者

方之下式詔書褒美酬以縣令大明八年東土饑早耕以私穀五百餘斛助公賑卹

徐遵明

字子判蕭陰人幼孤好學年十七隨鄉人詣山東求學乃師屯留王聰受毛詩尚書禮記

游燕趙師事張貴吾以其講說不愜於心乃就范陽孫守德受業又不終業乃以闕筌吹笛

自娛復經數載因手績春秋義章三十卷講學於外二十餘年海內莫不宗仰

徐儉

陵子梁太清初起家行明侯景亂避江陵梁元帝召為尚書郎歐陽純反高宗命儉持節諭

之累遷尚書左丞以公事免復起為潯陽內史為政嚴明盜賊靜息入為御史中丞儉無所阿附

徐份

陵子少有父風九歲為夢賦陵見之謂所親曰吾幼屬文亦不如此為太子洗馬性至孝陵嘗

疾篤份燒香涕泣跪誦孝經日夜不息如是者三日陵疾豁然而愈親戚皆謂份孝感所致

徐敬成

度子幼聰慧好讀書起家著作佐郎光大元年為巴州刺史吳明徹北討出秦郡別遣敬

成為都督

壯武將軍

徐則

懷棲隱之操策杖入緡雲山後入天台山卓矣仙才飄然騰氣千尋萬頃莫測其涯

徐之才

十三為太學生粗通禮易劉孝綽曰此神童也

徐孝穎

性至孝丁母憂三年衰經不離身窮冬不御綿纒形體骨立杖而能起嘗見人盜園中菜

退避之其仁行謙退皆類此

唐徐有功

東海人武后時為司刑卿累斷大獄全活者甚衆起居舍人盧若虛曰當雷霆之震能全

仁恕千載未見其儔

徐溫

字和叔胸山人剛毅寡言從楊行密起兵以功封齊國公鎮閩州溫容嚴可求善籌畫略知祥

知財利温信任之及吳建國拜温都督大丞相中外諸軍事封東海郡王

徐晦

標陽尉初楊憑貶臨賀尉親友無敢送者晦獨至藍田與別權德輿謂之曰晦為累乎對曰晦

蒙楊公知關德不送借如明公他日為人所關晦敢自同路人德輿嗟歎久之薦為監察御史

徐安貞

龍游人應制科一歲三上俱及第累官至工部侍郎封東海子卒贈尚書

徐珏

江山人五歲能誦易禮二經召對稱旨賜衣綰中童子科

徐佐卿

天寶中玄宗獵沙苑有孤鶴射之中箭西南近益州有道士徐佐卿謂子弟曰吾遊中山

為飛矢所中掛箭於壁曰後箭主到此付之玄宗幸蜀遊觀中識其箭乃知佐卿化鶴

徐商

字義聲有功五世孫幼隱中條山擢進士第大中時擢尚書左丞拜河中節度使攻寇有功封

東莞縣子進同中

書門下平章事

徐洪

字彥伯瑕邱人七歲能文結廬太行山下薛元超按撫河北表其賢對策高第調蒲州司兵參

軍時司戶章嵩善判司士李且工書而彥伯屬

辭稱河東三絕遷齊州刺史武后時卿士以語

言為酷吏所引洪乃著樞密論以戒世中宗時

以修武后實錄封高平縣子會郊祭上南郊賦

擢修文館學

士太子賓客

徐仲源

望江人母至孝母疾割股為糜母疾愈貞元間旌表其門改鄉曰孝感

徐申

京兆人擢進士第遷洪州長史曹王臯討李希烈以申行刺史事遷韶州刺史累進嶺南節度

使封為東海郡公

徐齊眀

字將道長城人八歲能文太后召試賜所珮金削刀累官至西臺舍人在職多進諫言子

堅集賢學士孫嶠中書舍人三世相繼為文翰侍從時人榮之

徐裕

為台州刺史遷衢州劉禹錫贈詩有曰聞道天台有遺愛人將琪木比甘棠蓋道其德政為人

所思也

徐岱

蘇州人於學無所不通辯論明銳大歷中劉晏表為校書郎觀察使李棲筠敬其賢書所居為

復禮鄉

徐修矩

吳縣人唐思王府記室叅軍奕世才賢居家介潔貯書萬卷優游自適有湖田五萬步草

屋十數間不復出仕皮
日休嘗就借書讀之

徐元之

建昌人幼穎悟博通經史年十七第進士累遷監察御史諫議大夫出為湖州刺史

徐堅

字元固齊州人聖歷中楊再思引為判官屬文典厚再思每日為鳳閣舍人樣與張銳修三教

殊英

徐嶠

聖子善書以書法授其子浩書四十二幅屏八體皆備草隸尤工如怒貌扶石渴驥奔泉肅宗

朝授浩中書舍人張說見其喜雨賦歎曰後來之英

徐浩

字季海嶠子會稽人擢明經有文辭仕為集賢校理肅宗立授中書舍人四方詔令多出浩手

累官吏部侍郎德宗時進會稽郡公始浩父嶠之善書以法授浩益工尤工草隸

徐卿

生二子杜甫歌曰孔子釋氏親抱送並是天上麒麟兒末云吾知徐公百不憂積善滾滾生公

侯

五代徐懷玉

亳州雋夷人仕梁為將累功遷保大軍節度使為人雄豪勇敢戰陣所至克捷為時名將

云

徐鉉

字鼎臣廣陵人十歲能屬文仕南唐累官吏部尚書後歸宋為太子率更令精小篆為文章有

則典

徐鉉

弟南唐時舉進士累官集賢殿學士宋李穆使江南見鉉及鉉文章歎曰二陸不能及也所

著有說文通

釋方輿記

宋 徐興

青州人以拳勇隸兵籍嘗從太祖征晉陽立功後從潘美趣團栢谷奮與賊鬪有果敢氣生擒

偽將身被重創無所回撓

累官左監門衛大將軍

徐偉

臨湘人事母至孝母死毀瘠至嘔血舉孝廉不就去之陵渾縣解落山中教授生徒依之以居

者三百餘家歲荒貧不舉子者偉資給之人感其惠所舉子皆以徐為名偉有八子皆知名時

號徐氏

八龍

徐積

字仲車山陽人三歲父沒事母至孝以父名石終身不用石器母亡廬墓三年雪夜伏墓側哭

不絕聲時甘露降木成連理積初從胡瑗學惡衣惡食不以為恥應舉入都載母以從比登第

同年共致百金為壽却之後廷臣薦其孝廉為楚州教授卒謚節孝

徐嘉

字吉卿西安人甫冠登第紹興間金亮遣使請和以嘉為館伴使北使入不肯以書授中使嘉

徑前奪書以進敵氣大沮上嘉之孝宗即位高宗語之曰是嘗手奪國書者累官吏部尚書

徐師閔

字聖徒吳人治平初以司農少卿知袁州時江西有寇警師閔修戰具號令嚴肅預常若

寇至自是不敢犯境袁民德之為治鎮

靜有惠愛薦知洪州官至奉議大夫

徐勣

南陵人熙寧中進士任翰林學士累上疏有裨於時以顯謨閣學士卒勣挺挺持正徽宗甚見

禮重而不至大用時議惜之

徐起

字豫之濮州人舉進士累遷徐州轉運使勸富室出米以賑饑民又移粟以贍河北京山後知

兗州有巡檢處所部而部兵百餘人持兵至庭下州人大恐起諭以禍福衆感泣謝命

徐經孫

字仲立豐城人寶慶初進士累官太子詹事

對切中時病忤賈似道拜翰林學士知制誥未

踰月罷歸後以端明殿學士閒居十年追封豐

城伯謚

徐常

字彥和建安人文學該貫與陳襄為友嘗登第

敬歷州縣所至有聲知吉州姦民猾胥畏如神

明與蘇軾兄弟遊從甚久又每慕二宋為人嘗

有詩云事業要須師二宋文章端是學三蘇軾

亦嘗稱其為天

下奇男子云

徐大正

字德之甌寧人嘗赴省試過釣臺題詩云光

武初從血戰回故人長短尚論材中宵若起

唐虞興未必先生戀釣臺元祐中蘇軾見之遂

與定交嘗築室北山下名閒軒秦少游為之記

軾為賦詩人以
北山學士呼之

徐九思

字公謹崇安人登進士調蘄水尉知雙流宣
州南陵三縣入判三司坐忤時相通判廣州

神宗召對面賜褒諭有老成練事之稱王安石
以其譏議新法附司馬光坐廢十餘年元祐初

召為江淮等路發運副
使致仕有新豐集行世

徐驥

字士龍浦城人刻意問學居太學時二帝北狩
上書行在所朝奏暮召會有沮之者卒不用其

言然識者皆服驥之先見太學初興闕試者萬
人學官以天地明察為論題驥冠闕士丞相秦

檜邀驥與其弟遊驥辭不闕以
疾請祠授吏闕卒於家

徐詡

字元敏調會稽簿改秩調上元丞用闕泉
令歷三邑皆有政績召對授監察御史闕上六

事皆時政急務後提點廣西刑關
都路轉運判官移知遂寧府有闕
泉州改除

江東漕所至以興學為先
士風振起有東野居士集

徐鑄

字元鈞吳人少年居官有能名吏不敢欺所至
屏姦惡辨疑獄勸本業修學校課常居最政和

初以徽猷閣待制知
杭州路正奉大夫

徐膺

字思文莆田人七歲喪父朝夕思慕若成人母
沒哀毀骨立卜兆於虎嘯巖廬其傍蔬食三年

時陟巖巔聲哀號震原野虎為遁去墳左有坑
塹深數十丈一夕山有聲如雷翼旦視之平地
也

徐立之

字植夫登州人紹聖初登進士靖康之變扈
駕南幸丞相呂頤浩禮遇之及秦檜當國乞

祠居鄞徜徉間開三十年積官至
朝散大夫卒贈開府儀同三司

徐寅

字協恭立之子以蔭補官中法科為福建路檢
法審覆因牘駁正寃抑孝宗除大理正歷知揚

州修築高郵等處堤岸後知台州華秋苗
偽鈔去軍士虛籍擢廣東提刑卒於官

徐承珪

掖人嘗仕為贊皇令幼失父母與兄弟二人
及其族三十口同居其里中木連理瓜異蔓

同實事聞詔名其鄉
曰孝感里曰和順

徐兢

字明叔歷陽人生數月見字畫即色喜踴躍至
十餘歲穎異不羣篆籀得李斯法知原武縣政

績卓異宣和中使高麗撰圖經
四十卷歷官大宗丞兼掌書學

徐禧

分寧人少有志度以獻策擢檢討官元豐中城
永樂禧以給事中被詔與內侍李舜舉共相其

事會賊趨新城禧孟往視或說禧曰本被詔相
城禦寇非職也禧不聽與舜舉俱至永樂城陷

死之贈吏部

尚書諡忠愍

徐俯

禧子庭堅甥仕為司門郎中會金人立張邦昌
集百官議皆以次書名俯不書建炎中累官僉

書樞密院事俯工

於詩有東湖集

徐林

字稚山吳人少有特操中進士第與王黼有連
不肯附麗之紹興初上書言事召改官累遷太

府少卿劾秦檜親黨貶興化軍十三年復

入為吏部侍郎更論符離之役出知平江

徐鹿卿

字德夫豐城人博通經史嘉定中進士累官
至禮部侍郎卒諡清正居家孝友喜怒不形

居官廉約清峻

毫髮不妄取

徐國和

豐城人兄弟義居宰木連理其子定親喪廬墓三年家有紅紫牡丹忽變為白人以為孝

感所致定卒子頎居喪三年寢食於墓曾孫傳霖事親尤孝居喪如制人咸謂徐氏世孝焉

徐龜年

崇德人淳熙末舉進士累官監察御史抗疏言士大夫之邪正實闢風化之美惡以直華

文閣知温州改徽州致仕弟逢年亦登進士居官有能名

徐亨

桐廬人臘寇竊發其兄為賊所執亨叩頭請曰家有老母兄能養請代兄死舍其兄而殺亨鄉人義之

徐梅龜

壽昌人舉進士為霍丘尉嘉熙初賊寇犯境梅龜與子尚古皆死之理宗嘉其忠梅龜贈

宣教郎尚古贈承信郎各官其一子

徐無黨

永康人皇祐間進士仕至郡博士歐陽修嘗稱其文詞日進如水涌所著有五代史集註

徐端益

金華人建炎初張邦昌手書至虹縣令以下迎拜宣讀如常式端益為武尉獨不屈膝事

定向子諱言於

朝為易文資

徐次鐸

東陽人負才尚氣登紹興間進士通判衢州嘗傲周禮作漢官又作唐書傳註補註音訓

總三百卷中興兵

防事類留之西府

徐偁

字榮甫義烏人淳熙中進士累官集英殿修撰寶謨閣待制謚文清偁初授業於呂祖謙門人

繼游朱熹之門熹嘗稱其明白剛直

命以毅名齋所著有讀易等記文集

徐時動

豐城人師事胡安國遂傳其學以歸第紹興進士為虔州教官改吉州無何以疾辭遂不

復仕迺以平日所得於師者演繹述為孟子說四十卷師門答問三卷

徐師回

元豐中知南康軍性耿直設施有條暇建堂植八杉號曰直節曰吾欲守節如此杉之直

又建亭於明月泉上曰吾欲守廉如此水之清

徐徽

字象賢提舉利路常平抗疏謝致仕居獨山號獨山居士曾肇為守相與為文字交嘗集唐宋

以來文之可傳者合為一編以示肇肇哀集之以為滁陽慶曆集

徐邦憲

字文子義為人紹熙中試禮部第一登進士第三以祕書省正字知處州開禧間被詔上

疏忤韓侂胄罷職未幾授江東運判仕至工部侍郎寶謨閣待制卒謚文肅

徐存

字存叟江山人授業於楊時隱居教授號逸平翁從學者至千餘人所著有五經講議等書

徐徽言

字彥猷西安人泛涉書傳有奇志大觀中武舉及第靖康初知晉寧軍陰結汾晉土豪欲

持金取太原鴈門會朝議和事中沮後金人陷晉寧罵敵而死事聞高宗撫手嘆曰徐徽言忠

貫日月過於顏真卿段秀實遠

矣贈彰化軍節度使謚忠壯

徐揆

西安人靖康初遊太學試開封為舉首會欽宗詣金營不歸揆率諸生以書抵敵帥責其敗盟

請還二帝敵酋截揆至軍中

詰難揆厲聲抗論遂遇害

徐霖

字景說西安人有志聖人之道研精六經以探其要淳祐初試禮部第一授沅州教授上疏言

史嵩之姦狀凡遷官輒辭後知汀州卒從霖遊者至三千餘人所著有太極圖說及遺稿五十

卷

徐中行

字德臣臨海人少從胡瑗學父死廬墓躬耕以養母晚年教授學者循循有序崇寧中州

舉八行不就客有詰以要名者中行曰使吾得以八行應科彼不被舉者非人數歟吾正欲避

此名非要名也

徐履

字子雲瑞安人倜儻有大志紹興中省試第一秦檜欲以女妻之及廷對乃佯狂不答一字遂

置甲末後官至朝請郎不染於秦氏時人高之

徐誼

字子宜平陽人乾道中進士累官至吏部侍郎有定策立寧宗功卒謚忠文

徐儼夫

字公望平陽人淳祐初進士第一歷官館閣因忤丁大全杜門不出後大全敗儼夫始出

累官至禮部左侍郎致仕卒

徐臻

温州人德祐初臻以父官湖南往省會文天祥勤王往依之以筆札典樞密小心精練天祥被

執臻脫難復來願從北行扶持患難備殫忠款

徐人傑

玉山人紹興初進士廷對惟以復仇為言忤秦檜意遂辭歸平生不治生產沒之日惟圖

書數篋而已所著有易傳春秋發微及文集數卷

徐元杰

字仁伯上饒人紹定五年南省廷對皆第一為崇政殿說書時權臣遭親喪起復元杰極

論其不可命遂寢累遷國子祭酒權中書舍人長子直方為起居郎兼侍講次子直諒為吏部

尚書

徐夢莘

字商老清江人百家書寓目成誦紹興末舉進士累官知賓州嘗著三朝北盟會編一百

五十卷擢直祕閣所著有
讀書記志集醫錄集仙錄

徐天麟

夢莘從子開禧初進士累官武學博士輪對
言人主當持心以敬通判惠潭二州權英德

府所至興學明教有惠政著兩漢會
要漢兵本末西漢地理疏山經等書

徐範

候官人少孤刻苦授徒以養母與兄同舉於鄉
入太學以明趙汝愚之寃又同與兄編管臨海

嘉定初舉進士歷知邵武軍
累遷至起居郎兼國史編修

徐似道

字洲子天台人少負才名為吳江尉受知范
成大及為祕書監少監朝聞彈疏以舟載葛

蒲數盆書兩篋翩然引去
道間爭望之若神仙然

徐奭

既寧人祥符間舉進士試鑄鼎象物賦云足惟
下止詎聞公餗之歌傾鉉乃上居實取王臣之

威重遂
推第一

徐的

字公準建安人天禧進士補欽州推官的善知兵嘗征宜辰二州蠻開示恩信蠻黨悔過自歸

累官荆湖南
路安撫使

徐復

建州人初遊京師舉進士不中退而學易通流衍卦氣法自筮知無祿遂無進取意益通陰陽

天文地理占射諸家之說尤精音律慶歷初召見命為大理評事固辭賜號冲晦處士

徐適

甌寧人崇寧中以對策稱上意特比正奏名第一人恩例適賦詩曰白髮青衫老得官瓊林頓

覺酒腸寬平康夜過無
人問留得宮花醒後看

徐應龍

字元叔浦城人淳熙初進士累官至刑部尚書兼侍講在經筵多指陳時政轉吏部尚書

以煥章閣學士
奉祠卒謚文肅

徐榮叟

字茂翁應龍子與弟清叟累官僉書樞密院
事嘗言朝廷當以節義勵士夫則緩急必無

求生害仁之事以資政
殿學士致仕卒謚文靖

徐清叟

字直翁浦城人進士除藉田令應詔抗章乞
為濟王置後詞甚鯁切遷太常博士復請復

濟王爵邑裁抑史彌遠恤典召用真
德秀魏了翁端平中為殿中侍御史

徐唐

寧化人幼穎悟不事科舉業隱居鄉里後從胡
瑗講學上庠質疑問難諸生屈服歐陽修薦於

朝宋仁宗召見講
易嘉之賜銀絹

徐信

保昌人登進士第蘇軾謫海南造其書齋見信
作甘露寺詩平地風烟飛白鳥半空雲木捲蒼

藤蘇軾以橫字易
飛字信乃嘆服

徐道明

常州人為天慶觀道士德祐初元兵圍城道明謁郡守姚訔請曰君侯計將安出訔曰死

守而已道明亟還告其徒曰姚公誓與城俱亡吾屬亦不失為義士元兵屠城道明危坐焚香

讀老子書兵使之拜不顧以刃脇之不為動遂死焉

徐俊

字英文德清人以明經為國子生咸淳中憤時宰誤國率六館諸生葉李等抗疏乞斬賈似道

疏三上不報迨宋亡遁於林野至元中累召不起及宋故輒泣然流涕及卒門人謚曰安節先生

徐邁

繁昌人與弟迪相師友專勤學問為文清麗皆長於詩邁登熙寧九年進士第仕終淮幕

徐迪

遺弟登紹聖元年進士第蔡確宰繁昌築北園
戴酒邀寓公賦詩為樂有和確五言古律曰簷

影陰游魚江聲顛崖竹雲帆天外去龍刹空中
轟霞明晚渡紅草暖晴沙綠澄波見歸鳥紛靄
迷飛鷺有時雪浪吹玉馬爭追逐青霄皓月滿
琉璃瑩顛目謝傳昔出宰天葩動驚俗一讀梁
間詩清風感佳木人服其瓌雅

徐定

字德操江人釋褐調處州教授娶永嘉鮑氏因
家馬通判太平州宣州妖民胡木匠誘聚數千
人守適去盜縛一巡檢貫其耳以狗人心番恐
漕司俾定攝州事定馳入境令曰汝等若不飽
爾能自首亡罪衆咸從令

州境遂安據守潮州卒

徐鐸

字振文唐秘書省正字寅七世孫熙寧九年與
兄銳同榜進士而鐸為第一時有龍虎榜中孫

嗣祖鳳凰池上弟聯兄之稱銳官終朝奉郎贈
宣奉大夫鐸初任簽書鎮東軍判官紹聖末以
給事直學士院蹇序辰建議編類元祐諸臣章
牘事狀詔鐸同主之凡一時施行文書撫拾附

著纖悉不遺

遷禮部侍郎

徐衡

中武舉第一授班殿直知晉寧軍遷江東西康
訪任兩路賑濟衡籍官民廩又截留上供隨所

在貯之計口以給上賜劉褒寵且許以便宜不
拘文法每事且奏且行詔下其法於諸路行之

尋提點廣東刑獄鉅

盜劉隆畏風請降

徐綱

字希顏為太學生時逆亮斃當軸力主和議綱
率同志疏六事上獻有決策親征及誅誤國姦

臣之語皆諸老大臣所不敢言者人為危之旋
升補上舍乾道八年擢第歷漢陽教官監在惠

民局淮西總幕改秩宰江陰歲旱隣境流移踵至先條畫利害申諸臺郡勸分發廩分場便糴盡革吏姦全活甚衆入除提轄文思院先是綱著史論百篇及邊防兵政十六事匭進沮於不樂者至是發藁益以樵歌八事載進給舍合辭稱賞又以不事私請寢不報於是力丐祠添倅湖州淮東幕議雅志泉石竟奉祠歸里網以誠敬存心以苦空養性以吟詠適情所著詩集子

龜年
逢年

徐椿年

字壽卿登紹興進士主宜黃縣簿從張九成學日聞其所未聞所著有雙溪集尚書本議

論語解
諸書

徐珣

字溫甫高宗朝進士授辰州教授為刑定編修轉池州通判官有美政尋致仕三上宰相書皆

道義之言所著有語孟易解
學者多宗其說號止齋先生

徐光實

字德克晉江人瞻之從弟建炎中第進士知海鹽縣獄囚值歲旦與告歸省吏白恐亡去

為累曰我以誠遣彼必不以偽應囚感泣皆如期而至知英州受代以月五日部例新舊守並支俸光實謂己替則不事俸可兩給乎拒不受徙連州清儉如初

徐鉞

字武叔永嘉人父凡自號休翁鉞慷慨急義後進有不善或面折不忌人莫不畏之及羣居賦

詩飲酒無少長咸與傾盡襟度豁如乾道辛卯郡大饑米斗至五六百錢守丞諱言鉞獨以書抵朝中舊知言之丞相以聞孝宗矍然曰永嘉樂土何可使至此趣罷守丞即命出浙東常平米賑濟至今誦之

徐瑄

字純中徐定子奉賀光宗即位表補將仕郎試中法科由評事積遷朝奉大夫大理寺卿會濟

邨獄興史彌遠囑其附會賊殺無辜且啖以美官瑄守正不從遂削官謫道州徙象州卒端平改元侍御史王遂請加褒贈詔復元官贈集英殿修撰陞擢庶子仍補二子官

徐霆

字長孺永嘉人少為母舅陳埴所鞠勵以講學由是得聞性理之要長遊四方所見益廣連中

漕舉紹定中李全亂淮楚霆從趙善相於制幕軍謀檄筆實參其事全斃以功補官端平初軺車初通霆以選介信使奉幣入行闕又歲餘復命授江東路兵馬鈐轄移江西再移廣歷守欽復州漢陽軍以武功大夫致仕卒

徐逢年

字耕老髻亂起軼不葷誦書通夕不寐弱冠舉胄監入太學試輒中前列舍試入優登開

禧乙丑第分教江陰鼎新講堂植規條嚴課試
日陶月化作成士習時蔣重珍趙發肆業郡庠
一見賞其器識優加獎勵處以學職癸未廷唱
名聲振赫公適守官京局皆執門生禮以謝朝
紳榮之己丑改秩知於潛倅信州歲饑糴貴信
為樂土公請弛過糴禁詩有賢侯作意蘇民瘼
常念比隣有餒
人旋改祠而歸

徐天祐

字受之父耜朝奉大夫知惠州天祐幼有慧
質穎悟夙成以惠州任為將仕郎銓試為祠

賦第一註歸安尉地近事煩而尉職猶劇天祐
既試以吏事衆皆驚服貴人居邑者將囑事出
謂人曰吾見尉自不敢有所請中進士第時年
尚英妙聲華籍籍為大州教授日與諸生講經
義聽者感發德祐二年以文林郎國庫書監召
不赴退歸城南杜門讀書與人交終不變四方

學者至越必進謁天祐高冠大帶議論卓卓見者咸以為儀型

徐明叔

字仲晦晉江人第進士甲科辟入江淮制幕秩滿幹辦廣漕清節益勵除太學錄通判漳

州以廉聞知英德府徭寇不敢犯召為國子監丞潮寇起命知州重賞捕其魁戮之除直秘閣江右憲歲歛發義倉以賑郡民遷戶部侍郎改兵部侍郎會元兵南下憂憤卒明叔學有源委與洪天錫齊名人稱之曰擇齋先生

徐道隆

字伯謙武義人以任入官叅趙益傳軍事遂提點浙西刑獄時元兵至臨平道隆起勤王

兵間道由臨湖門乘舟入援德祐二年追兵及之軍士殊死戰道隆與其子赴水死

徐文震

金華人尚禮好義數世同饗德祐間丞相留夢炎署其門曰金華孝友之家

徐應鑣

字巨翁江山人居太學時元兵至臨安應鑣誓不降屈作文祭岳飛祠與其子琦崧女元

娘投祠前井中死同舍生私謚曰正節先生

徐宗仁

永豐人淳祐進士歷官國子監主簿開慶初伏闕上書言誤國之罪不誅則用兵之士不

勇累遷太府少卿德祐初為吏部侍郎衛益王走海上厓山兵敗死焉

元徐毅

趙城人累官監察御史力陳臺省為治之要連至刑部尚書中書叅議御史中丞能彌綸庶政

及卒追封平陽郡公謚文靖

徐琰

字子方東平人任浙西廉訪使嘗作戒石銘曰天有明鑑國有公法爾畏爾謹以中刑罰琰有

文學名東南人士重之

明徐達

鳳陽人長身偉貌值元季兵起乃仗策來歸留置麾下久之察其智慮材畧超衆命為鎮撫位

諸將上從征討四方推強撫順輔成大業累官中書左丞相封魏國公卒追封中山王謚曰武寧

徐輝祖

初名允恭中山王長子洪武二十一年嗣公靖難後不屈逮獄尋卒

徐明

合肥人國初為百戶陳友諒攻洪都之新城門從指揮薛顯開門突戰被執死之明有膽畧善

修飭軍中號為胎裏
荒追封合肥縣男

徐忠

合肥人洪武初任河南衛千戶少精武藝從征有功歷陞都督僉事洪武末復以功進封永康侯

徐凱

合肥人開國功為茂州衛指揮使守松潘累立戰功洪武三十六年出掌鹽井衛征賈哈刺有功

又從西平侯沐春討刀幹孟歷陞都督僉事鎮守四川階文官軍叛會都督寧正討平之又

克征虜大將軍從沐春討刀幹孟有功建文元年從大將何福征百夷為副總兵靖難兵起從

宋忠北進練兵臨清二年吳傑平安守定州盛庸守德州凱及陶銘城滄州為犄角文皇自通

州直趨滄州凱大戰不勝入城東門卒先潰凱被執不屈死之

徐賁

字幼文吳興人過荆溪寓久之識周砥於顯親寺聽秋軒遂定交後愛溪山之勝遂卜居蜀山

洪武初年以求賢仕至河南布政使工詩有北郭集

徐安

鄞人洪武中由人才薦舉任山東濟南知府後調鳳陽壬午靖難兵由揚州往南京上微服間

道從靈壁出鳳陽安謀知沂浮橋淨舟楫以守
上獲一漁舟以濟入正大統安歸田里踰年詔
舉遺逸有司以安薦復任鳳陽居數載訪戚里
奏安不體朝廷親親之義偏護細民奪還莊業

遂謫戍雲南歸田之日

庶民中服丰度偉然

徐士宗

永樂中以國子生知貴谿縣歲甲午邑大水
士宗奏蠲田租三之二又請以租折輸布民

田之汚者盡除其租有婦人訟其夫為讐家所
害士宗鞠之無驗俄有蚱蜢飛集几案士宗祝
曰爾有冤當集讐人身己而果然因始伏辜
境內稱為神明擢廣信通判去邑人懷之

徐子權

字用中峽江人與練子寧同舉進士官刑部
山西司主事靖難師起上疏論李景隆誤國

不報聞子寧死從容賦詩有曰翹首謝京國
魂飛歸故鄉遂自縊死人競稱之奉祠鄉賢

徐旭

樂平人洪武進士累官國子祭酒為人方正簡默清慎不阿始終一志有文集數十卷

徐舫

字方升桐廬人博學尚志與劉基宋濂同游洪武初劉宋被徵過桐廬見之舫荷蓑笠示不與

同行之意隱居終身濂為撰墓誌所著有滄江集

徐善述

天台人由教官累擢春坊司直贊善為人素有學識耿介恬靜不為阿附因事啓沃每見

聽納卒賜太子少保謚文肅

徐一夔

字大章天台人洪武初任杭州府儒學教授通經學古以詩文擅名於一時召入史館纂

修元史賜蟒衣綵段至今言教授之賢者必曰一夔云

徐誼

壽昌人洪武中知鎮江府處事詳密人莫能欺去任惟文書數帙而已

徐奇

浦城人洪武中由鄉舉歷官戶科都給事中物論重之陞廣東右布政使

徐琦

錢塘人徙寧夏永樂中登進士第累官兵部侍郎正統間陞南京兵部尚書以根本重地特受

委托卒謚

曰貞襄

徐晞

字孟晞江陰人胥吏出身為人明敏有幹才累官戶部侍郎以平麓川功陞兵部尚書

徐有貞

字元玉吳縣人宣德進士奪門功歷官兵部尚書華蓋殿大學士封武功伯尋編金齒為

民後釋歸有貞短小精悍博學多能天文地理兵法水利陰陽方術無不通貫奪門決策再定

天位功誠不可少也然南遷之議少保之死能免雌黃之口哉

徐溥

字時用宜興人景泰進士第二歷官少傅吏部尚書謚身殿大學士謚文靖在位以寬厚稱承

劉吉恣威福之後一以安靜
誠信培養國家元氣實多

徐述

字信古建德人永樂中由稽勲主事守漢陽首
新學校勸課農桑政教大行時值朝廷採大木
設法完解民若弗與其役者歲歛民艱於租輸
闕市得鈔數十萬代民輸足民以不困時有虎
傷人為文禱神虎卒就捕其害遂息人咸
以神明太守譽之公明有守吏民懷服

徐瑄

字子敬早明經學器度凝遠正統中為監察御
史巡視京畿尋出按川廣所至有聲擢右僉都
御史巡撫延綏上嚴斥堠繕甲兵督屯種修學
校四事悉從之敵嘗入寇瑄督兵戰於索羅溝
又戰於半坡墩金雞峪雙海子皆以捷聞賜璽
書重幣獎勞之未幾丁內艱歸有旨奪情蒞事
坐是鬱鬱遂上疏乞致仕及卒朝廷諭祭
於家子尋字以質歷官湖廣布政司叅議

徐舟

字楫之曹州永豐人中天順壬午鄉試成化丙戌進士初授行人奉命湖廣河南公務前此使

臣在外畧有餽遺循行以為故事舟獨一芥不取拜監察御史論諫必中事理未嘗訐以為直

巡撫陝西時有千戶王圯者為仇家所

誣坐極刑累年不伸舟至即得其情

徐貫

字原一淳安人天順丁丑進士歷刑部尚書謚康懿

徐瓊

字時庸金谿人天順丁丑進士第二官翰林編修與修英廟實錄陞翰林院侍讀學士掌院

事上疏禁奢侈廣用人抑奔競開言路上嘉納之歷陞尚書瓊為人雅度優容恂恂然有西漢

長者風文辭浩渺一時名勝為之左次羅圭峯謂瓊之量宏矣而無量名文優矣而無文名書

善矣而無書名有三不近名之贊云

徐問

武進人準操檠約述古以為法程復凌躡文壇博探事與宦歷路上卿隨詣著勤推賢士屬

徐恪

字公肅成化進士初為給事中歷都御史巡撫湖廣河南進工部侍郎端重守正可屬大事雖

數忤時遇明主知讒不行終得以肆所為一時稱名臣云

徐禎卿

字昌穀吳縣人弘治進士歷官國子博士簡抗不輕與人交砥礪名節希跡古人所著談

藝錄一卷士林皆推重之

徐文華

嘉州人莊聳偉然剛果自任人不敢撓以私忤逆瑾坐戍尋起歷官大理丞凡有朝廷大

議會公職雖未列街羣見糺糊不敢發軌抗聲剖析衆亦愕然唯唯後以大獄罷

徐縉

字子容吳縣人弘治乙丑進士歷禮部侍郎謚文愍

徐度

字克弘江陰人弘治進士初任信陽州知州累陞廣東副使自少居貧力學晚歲登仕動遵繩

墨言貌恂恂

有朴茂氣

徐蕃

字宣之泰州人正德六年以叅議分守湖東道先是東鄉華林桃源之盜競起各道守臣請兵

誅勦而巡守東鄉者率事招撫公深憂之與僉事高賓協心議勦請兵於制閫益自秘密不露久之狼兵猝至賊猶以為民兵也玩之俘斬數千公欲乘銳掃蕩會桃源勢棘制閫撤兵以去乃招降逸寇許以自新東鄉賊勢沮散公之力也官至右副都御史

徐紀

字惟修東鄉人貢授武昌縣學訓導以身為教一日讀陽明先生傳習錄渙然有省有泮宮夜

氣録識所悟入尋浩然有歸思遂謝病行既歸日與鄉後進論學或撫諸孫歌詩習禮不作勢

利齷齪語臨終作二聯句云身還造化初來物
心與浮雲一樣空九川銘其墓曰木訥近仁忠
信基禮敦矣令人晚悟默體卓然
仕止超然生死識者謂無愧辭

徐

關

關

新安學博性樂恬退自號關
德興人通五經尤長於春關

辨疑吏

即致仕聚徒講理學著春秋旨原關
隱集秋谷稿等書學者宗之兄明關號芳谷亦
以薦辟官江浙湖廣提學時稱二徐俱以理學
名並祀鄉賢子公益克紹家學著松林集世德
錄學者稱
松林先生

徐世華

字士英父授卿國初應邑豪舉以保障死

難世華童年詣軍營扶柩歸葬興邑尋為賊
所擄世華告賊曰華不幸早失怙遺孤今被掠
毋老無依如釋以歸德莫大焉賊憐之得釋人

咸稱異事母以孝聞竟因母病額天願代果卒
附葬父側鄉人評其父忠子孝稱墓為忠孝塚
姑程氏媳胡氏備歷艱苦克全雙節有司扁其
額曰一門四德子有諒亦以苦明 見芝山志

徐釋傳

字克清銀邑人與兄道明 弟子負篤志
士業及明 膺鄉薦克清明 侍養二親不干

仕進砥礪明 根本孝友尤明 施與里閭之類
連無告者靡不望風而明 焉張宗伯明 題遺

像曰良金在範美玉無明 子瓊文閑居
樂志世味澹然著有琢玉集明 耕稿

徐需

號東溪江山人陽明先生高弟嘉靖進士官廣
東左布政致仕優游林下講學四方雲集

徐御章

字伯宸秋谷先生八世孫德充學膽性行端
莊鄉里畏憚每出則行者止坐者起喧嘩者

以靜有不平輒就直之公以理諭退而感服而
折人非其人能改又從匡輔掄揚咸稱長者居

面一峯端嚴如伯宸為人人因稱端峯公與鄉
達葉敬之義士葉全友善共申鄉約有藍田呂
氏之風子績昭聰敏篤學孝友天成高蹈礪行
不愧古人著有易學詳義龍山集幼子善繼善

述驛生志同理學闕海內名流

著闕事集怡真稿人子須知

徐盈

字子謙貴溪人正德末為淮安守宸濠之亂武
廟南征所過郡縣供億繁重百姓驚擾盈獨鎮

靜視他郡獨晏然時常熟瘠白茅港當事者檄
發郡丁數萬盈持曰白茅水患于吾郡差緩驅

吾民遠役何忍耶移文助費不闕徵發巡鹽御
史行郡鞭撻亭竈勤報鹽丁里胥乘機虐民民

大擾盈白之御史曰此有例盈曰例自公作亦
自公止豈國憲耶獲止不報居六載以讒免郡

人萬口稱寃時盈朝覲還過郡老幼遮
道號泣伐石紀績題曰徐侯墮淚碑云

徐愛

字曰仁餘姚人自少溫文敏達從陽明王先生遊即許其為受道之器舉正德進士受主事即

引疾乞歸
未幾卒

徐九思

字子慎貴溪人嘉靖中知句容性清介恥逐流俗凡供億務從簡約事當興革毅然必行

九年不懈民甚便
之擢主事歷知府

徐貢元

字元獻繁昌人嘉靖進士知德安府清潔剛方平恕精密不受請托不畏強暴為一時循

吏歷潼關備入賀以二布遣時相聞處數年尋兵備大名毫髮無染出巡闕隘禱一林檢有汚跡捐俸一金償之清介孤耿人不敢干以私終戶部左侍郎

徐學詩

字以言上虞人嘉靖丙辰進士初任刑部主事論嚴相奸狀廷杖為民隆慶初起用歷南

京門政

卒於官

徐獻忠

字伯臣華亭人知縣棄官寓居茗上文行著稱

徐公遴

開化人嘉靖進士歷官太僕寺卿

萬姓統譜卷七

欽定四庫全書

萬姓統譜卷八

明 凌迪知 撰

上平聲

六魚

余

下邳商音秦由余之後以王父字為氏望出新豐

唐

余勳

餘千人累官工部尚書兼御史大夫上柱國

宋 余靖

字安道曲江人少以文學稱天聖初登進士第又試書判拔萃擢集賢校理歷遷右正言與歐

陽修王素蔡襄為四諫官時論重之累言邊情三使契丹後以儂智高叛經制南方累遷集賢

院學士累官至工

部尚書卒謚忠襄

余中

字行老宜興人熙寧中狀元及第常州有古井先一歲瑞氣氤氳上騰數日乃大魁之兆

余端禮

字處恭龍游人幼時術藝大水與里人共處一閣閣將沉聞空中有聲曰余端禮宰相可

護之頃有物如罌長數十丈

負此閣後宋光宗封鄒國公

余天錫

昌國人嘉定中進士理宗幼時天錫識闕於全保長家引以見史彌遠遂召入理宗即位

累官參知政事卒贈太師謚忠惠弟天任

兵部尚書兄弟友愛貧時率更衣以出

余良肱

字康臣洪州人第進士累官知處州遷光祿卿知宣州治為江東最七子卞奕最知名卞

初試校書郎奕博學多大畧累

官知明州後與卞俱入黨籍

余克濟

字叔濟安溪人慶元進士尉候官有貴官治第欲得尉解地者帥喏之克濟力陳不可知

梅州將上有盜塞境人勸其徐行克濟曰不若乘其未集圖之遂單車就道盜卒平

余祖奭

字景召幼穎悟絕人登元符三年進士第通判蘭州會地大震山崩城郭廬舍盡陷祖奭

若有神扶護置之隙地者亟拯傷殘活數百人蘭人德之轉朝奉大夫賜五品服時建卒業僕叛祖奭挺身諭以逆順賊遂退以功轉朝散大夫知南恩州屬海寇卓全高聚衆為暴祖奭控制有道賊不敢犯召對指陳時弊忤秦檜意遂引疾乞祠歸轉朝議大夫

余謙

一字子同祖奭之玄孫與弟士明連中江西漕試而謙一第咸淳初進士士明亦以進士得

官謙一調泉州石井書院山長召為國子監書庫官除大學博士改宗正寺主簿差知化州不

仕諫一好為古學辭語
渾成而警切名文章家

余古

錢塘人光宗初以布衣上書曰間者宴游無度
聲樂不絕畫之不足繼之以夜宮女進獻不時
伶人出入無節宦侵奪權宮殿更建自古宦官
敗國備載方冊今上而三省下而百司皆在此
曹號令之下自副將而至殿帥各為高價如其
價則有特除良由公卿持祿保位備員全身滿
朝皆小人也即乞詔旨嚴下約束除太常樂工
立定員數凡俳優抵戲皆放為民美女麗人自
今無獻宴開以時酒進有數宦官不得干預朝
政佞倖悉去忠良並進陛下求不垂拱以高揖
義黃不可得也問安侍膳之餘宮庭燕閒講讀
經史頤神養性享名教不窮之樂固嵩岳無涯
之壽豈不休哉帝覽
書震怒特旨編管

余元泰

羅源人文詞博雅景定進士嘗采邑先賢事實可俾於名教者編成書名鍾幢嘉話

余泰符

字慶會忠孝鄉人好讀書有才畧景定初勅免賜進士特授承節郎監臨安府酒稅德祐

間因饒睦二州寇亂上言宜先保徽以固根本勅略曰陟明二秩以獎大節扶植綱常特授忠

翊郎大都督府帥幹招諭士民有功因革命終於家

余時言

浮梁人紹興進士贊親征金人之行隆興初為吏部侍郎後出知漢州值蜀大歉所部獨

與出粟活流民二十餘萬終敷文閣待制

余安行

德興人以經學為里中所宗官至大中大夫所著春秋新傳至言集記等集

余允文

字隱之建安人以孟軻亞聖而司馬光作疑孟數篇李覲鄭原著常語及藝圃折衷皆肆

詆毀乃作尊孟辨三十餘條闕之朱熹是其說又為之訂定云

余應球

安行子崇寧中進士累官監察御史知無不言利害無不切中官至吏部員外郎後居親

喪不復仕所著

有文集奏議

余光庭

羅源人以胄監擢第唱名居前以凡校文親嫌奏黜之大觀三年復中第廷唱仍在前列

上識其名稱異之知南陽郡金人陷南陽不屈而死

余堯弼

上饒人政和中進士屢為丞令不尚威嚴而人皆化其德高宗時為御史中丞知無不言

拜僉樞密院叅知政事尋乞歸

余玠

字義夫蘄州人仕為四川安撫制置使大更敵政遶選守宰築招賢館士之至者不厭禮接築

合州釣魚山左十餘城屯兵聚糧修學養士輕徭薄征自實慶以來帥蜀閬未有能及之者卒

贈資政殿學士子師忠歷大理寺丞

余起

銅陵人一門義聚三千百餘口子姪皆以科第顯世以儒業傳家

余深

羅源人元豐中進士累官至太宰封衛國公加少傅時福建以取花菓擾民深為言之闕宗不

悅遂知福州

余復

寧德人初策士大廷覽復所對曰余復直而不訐擢第一後入史館兼實錄檢討所著有禮經

類說藏於家

余良弼

教子詩云白髮無憑吾老矣青春不再汝知乎年將弱冠非童子學不成名豈丈夫幸有

明牕并淨几何勞鑿壁與編蒲功
成欲自殊頭角記取韓公訓阿符

余誥

字若蒙龍溪人補太學生教授潯惠二州進時
資十論伏闕上書論韓侂胄又上書力阻和議

復為古鑑錄以進所著周禮
解禹貢攷春秋增釋等書

余崇龜

字景望淳熙中登甲第家藏書萬卷出入經
史貫串古今扁其堂曰靜勝徜徉其中視升

沉淡如也開禧中侂胄專權公獨立不倚嘗曰
名節至重官職至輕力求去出知江州恤民禱

雨民呼
為佛

余大雅

順昌人良弼子與游敬仲同時從朱熹游深
得求放心之旨熹深與其進兩捧鄉書

余闕

字廷心合肥人天資英邁博學能文至順中進
士為泗州同知擢翰林應奉累官至浙東廉訪

元

司僉事至正壬辰權淮南宣撫副使分守安慶
以孤軍血戰死節事聞贈淮南行省平章政事
謚文忠本朝改謚忠宣命有
司立祠祀之所著有青陽集

余丙

遂安人幼喪母泣血成疾父亡不忍葬結廬古
山下殯其中日閉戶守視有牧童遺火延殯廬

丙與子慈亟撲不止欲投身
火中與匱俱焚俄暴雨火滅

明

余詮

洪武初以耆儒徵入見命
為文華殿學士以老疾辭

余燠

字茂本崑山人美丰采少有俊才從陳潛夫學
得春秋之傳洪武初歷通政司叅議拜吏部尚

書

余逢辰

字彥章直隸宣城人薦授燕府教
授陞伴讀靖難兵起泣諫被誅

余

關

子人永樂進士授翰林修撰博學能文
高廟實錄及聖學心法遷侍講洪熙初致仕自

號南坡邑人

即學宮祠之

余汝弼

宜都縣人勤學好問居家孝友能傾己濟人
里嘗大疫率諸兄煮湯粥往飲食之人德其

惠登永樂鄉薦

歷官屯田郎中

余學夔

秦和人永樂進士選為庶吉士累官至侍講
宣德間預修兩朝實錄書成當遷學夔上疏

乞致仕歸平生負直氣非所當得一毫不取家
無餘資而博古好學孜孜不倦以終其身云

余子俊

字士英青神人景泰進士歷官太子少保兵
部尚書贈太保謚肅敏凝重簡默外和內嚴

仕宦多在西北榆

林修邊之功最大

余本

字子華鄞人正德辛未進士及第授編修秉性剛直不避權勢擢廣東提學副使敷教以寬士

心畏愛官至

南京通政

余翺

直隸定遠人正德間知歷城縣性清直不受請托節財用均賦役革冒越民多賴之擢監察御

史後以建言

言謫戍

余楨緒

字思孝應城人舉進士授南京戶部主事調吏部歷考功司郎中以考察拂當路意免歸

起南考功司擢南通政叅議太僕大理卿為人孝友端方篤聖賢之學而謙冲清謹始終不一

時望歸之後陞戶部

侍郎以註誤免歸卒

舒

京兆徵音舒子之國因氏又望出鉅鹿廬江

唐舒元輿

東陽人元和中第進士擢監察御史按劾無所縱累遷中丞奏辨明審未幾拜同中書門

下平章事嘗為牡丹賦時稱其工弟元袞元肱元迥皆第進士

宋

舒雅

字子正旌德人善屬文南唐時舉進士第一歸宋為將作監丞充祕閣校理嘗編纂文苑英華

校史記前後漢紀及周禮禮記公羊穀梁等疏後出知舒州請祠如至直昭文館

舒元

潁州沈邱人少儻好學通左氏穀梁二傳辨捷強記治郡日或奏其不親獄訟事多寃滯太

祖面詰問之凡所詰元必具誦欵占指述曲直太祖甚嘉歎之子知白至作坊使

舒亶

字信道慈谿人熙寧中調臨海縣民有醉酒逐其叔母者亶執之而斷其首投劾去題壁云一

鋒不斷凶渠首千古誰知將相材時荆公當國奇之為改調官至御史裏行在翰林受錢越法

比歲起獄好以疑似排抵士大夫後坐賊廢斥遠近稱快

舒堯文

苦學涪翁夜過其家戲作詩云先生堂前雪月苦弟子讀書喧兩廡撞門入室書縱橫蠟

紙燈籠似雲母

舒煥

東坡與煥泛舟得臨釀字八首

舒璘

字元質奉化人從陸九淵游乾道中進士為徽州教授一以正人心講道學明經旨自任丞相

留正稱教官第一後知平陽縣通判宜州卒謚文靖

舒卞

字彥循奉化人自幼聞爽文才武畧為時所重建炎間禦金人有功武穆王聞其名招至幕下

凡謀猷籌策多其贊畫比沒民思之祠於長壽鄉

舒邦佐

字平叔靖安人淳熙進士授鄂州蒲圻簿以廉稱調衡州叅軍嘗言吏蠹易滋民寃難伸

仁恕公明人甚德之去皆流涕

舒嗣隆

邦佐孫有才識器量歷官奉議大夫出言行政雖鉅儒宿吏不能非之

舒

字彥昇以進士至國子監簿平生悃悃無華之士蒞官而官治臨民而俗美嘗題釣臺有詩云

會心林木已成懽登覽還知天地寬
莫訝釣臺有真贖一潭秋月照人寒

舒繼明

羅山人善射紹興間守洛陽劉豫襲郡城矢盡被執罵賊而死

舒瀛

字登甫奉化人登寶慶二年進士第授衢州西安尉兵難卒起瀛先衆捍敵死之朝廷嘉其忠

官其子模

舒津

字通叟奉化人讀書績學期至古人登景定三年進士第遷太學博士知平江蒞事勤敏雅志

澹如嘗博采傳記著續蒙求尚書解春秋集註十七史綱目從弟辯字平叟清苦獨立景定元年入太學講明正學雖寒暑弗懈著易釋二十卷繫辭釋三卷讀書隨筆五卷心書六卷一門經學人謂得於文靖之傳

元舒岳祥

天台人以文學師表一代奉化戴表元從而受業大德間表元為東南大家者其學得於

岳祥

為多

舒頔

字道源績溪人博學洽聞詩文不屬草尤長於歌選善隸書初授丹陽教諭轉台州路學正平

生詩文有序
集藏於家

明舒泰

字尚嚴婺源人由監生授湖廣武岡州同知接夷境民黠難治泰以忠誠撫之皆悅服且藩封

所在官校需索泰不肯阿徇以故被譖不安於位一旦求歸民不忍舍涕泣相率訴於所司乞留之不得遂致仕養恬林下足跡不至官府卒年八十餘

舒敬

字守中靖安人進士歷守嘉興能燭吏民情爲意教化營郡縣學課諸生以道術肄習四禮燕

語從容咨訪得失以忤鎮守中貴坐免

舒謨

宣德間旌德知縣慈祥廉敏不事刑罰百姓愛慕陞御史

舒清

字本直德興人成化進士授工部主事裁抑冗費中貴憾之差造徽府掘地得錢十八萬緡奏

入公帑歷廣西布政使清操端重士林翫首

舒崑山

麻城人幼奇穎登成化甲辰進士授主事員外郎中知建昌府陞叅政布政擢副都御史

所至有政績能文章
一時碑碣多出其手

舒芬

字國裳進賢人正德進士第一授修撰諫南巡廷杖裹瘡臥院中掌院者懼禍使人標出之公屹不為動曰吾官於此當死於此既而復蘇謫福建副提舉嘉靖初議大禮再杖歸卒平生不事生業家無立壁御史儲良材為小築省城以居其妻孥

舒汀

福建人嘉靖進士任御史

舒春芳

鄱陽人嘉靖進士為湖廣叅議溫良端潔無疾言遽色所至旌良善導民俗剔姦鋤強民

信服之卒於官貧不能殮
其清苦亦今世所稀云

魚鴈門羽音宋司馬子魚之後以王父字為氏又望出馮翊

周魚石宋少宰司馬唐山攻殺太子欲及華元華元乃奔晉石止之

魚府宋左師

漢魚翁叔長安富賈張湯為小吏時乾沒與翁叔交甚歡

晉魚佩為長清令清勁貞白朝廷下詔旌之

北南魚俱羅將軍討劉元進

魚容梁人性侈靡以象牙沈檀為林金蓮花捧琥珀龜支

魚天愍義興人大通初武帝使陳慶之送元顥還魏魏合四十萬衆拒顥慶之喻衆登城天愍踰

堞而入
遂克之

魚文

齊將
軍

唐
魚思賢

開元初任丘令開通利渠以洩陂淀入滏水
得地二百餘頃百姓利之號其陂為魚君陂

魚承僊

平盧節
度使

魚孟威

咸通中為桂陽刺史修靈渠以石為鐮隄延
亘四十里植大木為斗門十八重舟楫乃通

大為
民利

五代
魚崇諒

楚州山陽人徙陝州幼能屬文仕晉漢至周
時為翰林學士書詔繁委皆崇諒為之後表

陳母病歸陝州就養宋太祖朝不起
太宗即位授尚書兵部侍郎致仕

宋魚周詢

雍邱人早孤好學舉進士第累官右諫議大夫權御史中丞多所建白仁宗嘉其詳敏知

安州時園吏見大蛇垂闕楯即視之乃周詢醉而假寐世傳其異

魚慶

金縣人舉賢良方正為翼城縣丞

魚康伯

熙寧間知南安縣事

明

魚侃

字希直常熟人永樂進士歷開封知府清儉自守斷決明允請托不行咸以包老子目之

魚有沼

交趾人永樂為左府都事

魚躍

睿旄人正統中臨清判官

廬

廬子戢蔡之後

關
廬成 宜州判官

廬坦

關城知縣剛果善斷庶事畢集閭盜攻劫鄉
村坦率兵勦之無遺縣境翕然服其恩威

諸

瑯瑯徵音越大夫諸稽郢之後

周諸御已

楚莊王築層臺延壤百里大臣諫者皆死有
諸御已者違楚百里而耕謂其耦曰吾將諫

王其耦曰吾聞說人主者皆閒暇之人今子特
草茅之人諸御已曰若與予同耕則比力也至
於說人主不與子比智矣委其耕而入諫楚王
遂解層臺而罷民楚人歌之曰薪乎菜乎無諸
御已訖無子乎菜乎薪
乎無諸御已訖無人乎

諸御鞅齊大夫

漢諸於為洛陽今

明諸弘道

洪武中知滑縣在任招撫逃移優恤窮困教耕桑之法立學校之規風俗丕變

諸質

字叔義吳人由舉人擢翰林編修請老質為人誠信端直每事審義而行恂恂引道至論事裁

決侃然不撓

諸觀

字民瞻餘姚人成化進士歷任知府威信並行惠及小民嘗自誓曰貪墨之吏猶不廉之女一

有點汚何以見人歷任六年清苦如一日

諸珣

餘姚人弘治進士

諸燮

字子相餘姚人嘉靖進士

諸大綬

字端甫山陰人嘉靖丙辰進士第
一累官吏部侍郎兼學士贈尚書

儲河東羽音齊儲子之後

周儲子

孟子季子不得之
鄒儲子得之平陸

漢儲大伯

諫議大夫光武
遣持節徵鮑永

唐儲光羲

丹陽人開元中登進士第召入中書試文
章歷監察御史工於詩所著有詩集

儲嗣宗

大中十三年進
士及第詩人

宋儲敦叙

字彥倫晉江人崇寧五年第進士丞漳州龍
溪宰福州寧德皆有惠政民為立祠性閒退

奉祠館十年通判賀州秩滿復請祠居里歷
官三十餘年屋不增一椽田不遺一畝有詩文

號玉泉
文集

儲卿材

登進士第

儲擢

溫陵人淳祐間知雷州創建小學訓養童蒙修築城池喜於有為歷海州刺史

儲用

字行之晉江人淳熙中知建陽縣有惠政朱文公亟稱之會黨禁起罷去後直敷文閣知廣州

明儲可求

宜興人幼穎悟年十五能屬文及長潛心理學洪武初舉明經任本府訓導累官禮部侍

郎所著有五
松清響文集

儲惟德

字希崇宜興人有文名洪武初舉授國子助教嘗預修春秋本末有集未行

儲宏

泰州人洪武初中監赴遼陽載布數車至則值虜騎環城雨雪決旬不止乃以布周饑寒者拾

遺金數十兩坐候遺者
至還之李西涯有傳

儲福

燕山衛軍年二十頗好義靖難兵入孀母妻逃去及文皇即位詔挨購戍卒入伍福在錄中調

曲靖衛仰天哭曰吾雖一介賤卒義不為叛逆之臣在舟中日夜泣不輒竟不食死

儲懋

丹陽人永樂中領鄉薦歷吏科給事中以學行充經筵官轉翰林修撰與修實錄進侍講累官戶

部尚書卒為人
端重寬和云

儲璿

字靜夫
吏部侍郎端默簡重凝然臺閣之器邵文莊嘗

語人曰持身當以柴墟為法
終不為匪人累其見重如此

儲良材

直隸人弘治進士任御史巡按江西舒國
裳死于諫為經紀其喪築室以居妻孥

儲珊

潁州人弘治進士歷官僉事

儲秀

武進人弘治進士累官郎中

儲洵

字平甫泰州人嘉靖初以兵部郎中謫知沔陽州時郡歲歉民力凋瘵洵專務休息嘗賑饑移粟分給遠近征需不急者皆罷之以身任咎無所顧忌後流亡盡復合郡安堵又奏修隄防言

甚剴切至
今賴之

於京兆羽音又望出廣陵

漢於授

袁紹將

唐於澄

魏州將

於士濯 字文化 及將

宋 於清言

晉陵人工畫荷花獨步一郡寧宗朝以荷花障進喜動天顏特旨授承節郎浙西按撫司

計議官

於潛

青裾縞袂於潛友照溪畫眉渡溪去東坡詩

元 於務道

清言孫家學相傳圖寫尤精嘗以荷花圖於歸附後附江東道宣慰錢同知經進由是其

名愈重

於仲材

宜興人

明 於顯

長樂人好讀書善騎射豁達多大節歸附於大祖累從征伐有功洪武三年勅諭授為廣洋衛

指揮使六年陞大都督僉事改前軍
都督僉事卒追封英山侯謚襄武

於仲寬

黃巖人洪武庚申知永新縣事鄉寇竊發一
夕屠其田土數十家時千戶所幸捕盜為利

欲發兵肆及一鄉仲寬力止之鄉人感
之若父母有生子者多以仲寬姓為名

於珥

浙江人弘治進士由知縣陞建寧府同知廉慎
剛斷刑清訟簡時天旱徒步拜禱且誓於城隍

曰三日不雨當共鎖之未幾甘霖
滂沛歲獲大稔人以為精誠所致

於教

字伯度岷州人正德進士由郎中陞山西左叅
政嘉靖中分守冀南駐汾州時強宗內亂驕虜

外侵吏民皇皇莫知所措教下車經畧遂已帖
然因創作外城及四方堡塞盜寇不敢犯民永

賴之歷陞巡撫都御史

於惟一

字德夫懷寧人嘉靖癸丑進士授工部主事陞郎中性伉直不善事權貴出知太原有異

政憂去民泣送數百里歷陝西按察副使

胥

瑯琊羽音

周胥申父

衛人

胥童

厲公令童以兵八百人襲攻殺三郤因以劫樂書中行偃於朝

胥彌赦

衛人

胥甲

秦師掩晉上軍上軍不動史駢知秦師將遁欲薄諸河甲趙穿當軍呼乃止秦師夜遁

胥玆

趙大夫

胥臣

僖公二十八年晉卻縠卒原軫將中軍胥臣佐下軍上德也

胥克

趙盾卒克有疾成子為廢胥克

宋

胥偃

字安道長沙人少力學舉進士甲科授大理評事屢遷翰林學士權開封府元昊叛請遣使問

罪然後加兵未仕時家有良田數十頃既貴

悉分與族人歐陽修見偃愛其文妻以女

胥作霖

字澤民宜黃人儀狀魁偉詳練明達南渡中盜瞰臨川作霖喻里中少年以禍福莫不聽

命曰活我者君也

事聞補縣尉不就

胥世臣

撫州人景祐登科

胥元衡

字平叔偃子有學行能自立累官尚書都官員外郎并其子茂諡俱早卒偃妻直史館刁

約之妹與元衡婦韓茂謹婦謝凡三世
皆寡居丹陽閨門有法淮人至今稱之

胥正倫

宜黃人端
拱登科

胥正平

宜黃人端
拱登科

胥致堯

合肥人少力學為文辭初為三班借職官至
左班殿直歐陽修志其墓子沆以才能稱

胥鼎

繁峙人父持國尚書右丞鼎以大定中進士累
官平章政事通達吏事有度量為政鎮靜南遷

以來書生鎮方面
者鼎一人而已

明 胥必彰

字德鎮龍陽人洪武癸酉鄉薦拜監察御史
善持風紀彈劾不避一時權勢震悚稱為真

御史擢福建按察僉事轉
浙江叅議所至俱有聲

胥文相 湖廣人弘治進士

胥磬 鹽亭人景泰舉人

胥璿 鹽亭人景泰舉人

胥焯 巴陵人正德舉人

胥遇 四川眉州人嘉靖己丑進士

胥月朗 長清人萬曆間雲南都司

居 鴈門宮音晉大夫先且居之後以王父字為氏又望出渤海

漢居般 未城侯

居翁

桂林監

宋居航

軍事判官

元居理貞

唐元人初承父廕遷平定州同知以幹濟稱至正間監管州善政益著民立去思碑

明

居安

高郵人永樂貢士訓導

居諒

江陰人字友諒永樂中江西萬載縣縣丞

居輔

句容人正統舉人府通判

居璣

句容人景泰進士

居軫

句容人弘治舉人

居達

順天人弘治進士歷官叅議

居鼎

融州人嘉靖中廣東廣州府通判

居守

海寧人嘉靖乙丑進士

蘧

黎陽

周蘧伯玉

名瑗衛人孔子弟子淮南子云蘧伯玉行年五十而知四十九年之非衛靈公與夫人南

子夜坐聞車聲轉轉至闕而止夫人曰此伯玉也公曰何以知之曰大臣不為冥冥墮行伯玉賢大夫也不以時休廢禮是以知之

漢

蘧護

蘧正

大行令

南
北蘧法生

江夏王
典籤

明

蘧廷臣

貴溪人隆慶
中永安知縣

蘧克讓

貴溪人萬曆間
廣東增城縣丞

初
見姓苑

宋

初虞昌

開封人德
清縣令

初房

舉賢良
方正

初暉

膠水人第進士歷官集賢院知
濰州母喪廬墓
衰麻疏食經六冬有白鳥白兔
馴繞墳側狀聞

詔賜
粟帛

初燮

密州人
熙寧登科

初西美

鄂州人

初汝爲

登州人
元豐登科

明

初灝

潛江人
洪武中舉
賢良方正授知縣

初珍

潛江人
成化舉人

初賢

福山人
正德間大名同知

初杲

字啟昭
潛江人
正德進士
授監察御史
會議大禮同百官赴文華門哭聲徹內受廷杖幾死後

手疏劾都御史席書不當驟轉禮部尚書儉邪側目是歲冬奉旨巡視山西河東等處鹽法濟河渠築隄堰饑政大舉商民使之歷雲南按察副使撫綏懷寧民夷懷惠轉雲南布政司叅政

初珏

博興人嘉靖中六合縣縣丞

初旦

博興人萬曆間山西太谷縣知縣

茹

河內羽音河南官氏志晉陸茹氏改為茹氏又孀孀入中國亦為茹氏

南茹法珍

齊東昏時為制局監甚見愛幸口稱詔敕

茹瞻

字孝博東安人南州舉秀才清朗剛直將用之曰今日之選不能無茹生官侍

茹法亮

仕齊為中書通事舍
人 事武帝勢傾天下

茹懷明

吳人青
州刺史

唐茹汝升

代州人為僕射嘗承命治代郡民
獲安業後里人慕其德立廟祀之

茹榮

簡州人穆宗長慶元年幼失父事母姚氏至孝
及冠選為邑吏蒙宰賜瓜榮以遺母亡數刻復
來宰恠而問之榮具道其故宰疑其妄乃遣卒
詢母果然遂遣歸事母得以終養後歿為神人
之祀

宋

茹孝標

舒城人天聖中進士少負氣節吏治有聲
嗜學不倦仕至都官員外郎出知江州

茹約

越州人慶
歷登科

明
茹瑺 衡山人 洪武間 國子生 累官 通政使 副都御史
兵部尚書 加太子太保 廉介忠直 為上下所重

永樂初封
忠誠伯

茹伯衡 洪武進士

茹連

新會人 洪武丙子 舉人 初為齊府奉祠 超陞刑
部員外郎 出知長沙府 連身長大 帶圍六尺 一
飯數升 豕首一枚 然嚴於取 與不受 私托有為
縣令 容京邸 與連同鄉 連往訪之 為陳酒饌 金
銀器具 畢備 連艷然 怒曰 君非
濫於民 何以得此 遂拂袖而去

茹泰素

洪武中 刑部主事 上書論
時務 五事 歷官 戶部尚書

茹文中

無錫人 永樂中 隨父徙燕 年百有四 歲 天順
間 召見 便殿 賜冠服 帶履 命順天府設宴 又

命吏部尚書姚夔以下造其第致賀性坦易志
慷慨解書史遠勢利其壽固有所自蓋亦國家

之瑞
云

茹鳴鳳

直隸人正
德進士

茹宗舜

遵化人隆慶
辛未進士

鉏

周鉏麇

晉之力士也靈公不君趙宣子驟諫公患之使
鉏麇賊之晨往寢門闕矣盛服將朝尚蚤坐而

假寢麇退而嘆言曰不忘恭敬民之主也賊
民之主不忠弃君之命不信乃觸槐而死

鉏商

魯人
獲麟

疏 東海

漢 疏廣

東海蘭陵人仕至太子太傅兄子受官至太子少傅在位五年廣謂受曰知足不辱知止不殆官成名立如此不去懼有後悔乃上疏乞骸骨上許之公卿大夫設祖道供張東都門外送者車數百輛道路觀者皆曰賢哉二大夫

疏 耽

八及中人

明 疏勤

涇川人洪熙中陝西苑馬寺監正

疏 冕

壽州人正統貢士

疎 望出長安

漢 踈量宏

曲阜人

踈源

字元流南海人性廉潔為尚書郎習練故事為九卿所重人有欲通苞苴者源曰子以言污我

我從此與君別矣

樗 見韻會

秦

樗里疾

相國

樗里子

秦使里子將兵取曲沃走犀首

明

樗本直

和曲人宣德中任合水縣學訓導

閻 頓丘唐叔之後又望出三原

漢
閻譚

閻真子

鳳閣
舍人

閻德興

見王僧孺
百家語

晉

閻和

右街仗飛督與
孫秀謀誅賈后

閻豐

廣州
刺史

南

閻毗

後魏外
戚傳

唐

閻知微

頓丘人
員外郎

宋

閻師

荊州制
置使

閻勅

建炎中節制淮南軍馬駐定遠縣金人陷定遠勅為所執欲降之不允從敵怒殺之

閻鉦

字靜之涇州人成化進士歷官貴州布政使時蠻酋作亂鉦同將官討之死於陣贈都御史

閻潔

字次清陝西人弘治進士仕至提學副使

閻東

四川人嘉靖進士歷官都御史

閻朝儀

涇州人萬曆間山西臨汾縣丞

渠

周大夫渠伯之後

周渠孔

衛人

漢渠令參

封贊侯

渠穆

鄰
今

明渠仲寧

滕縣人精通地理永樂間文皇召試用量天尺度地之物曰其下有石如虎掘之果驗乃

授本科
訓術

渠兆昌

祁縣人隆慶庚午舉人

如

如羅氏改為如氏

周如耳

燕八年代衛拔列城二衛君患之耳見衛君曰請罷魏兵免成陵君可乎衛君曰先生果能孤

請世世以
衛事先生

漢

如子禮

見桓譚
新論

如周丘

淮南王
壯士

三國如淳

魏陳郡丞著
漢書馮翊人

宋

如或

嘉熙間華
亭縣知縣

明

如學禮

武陵人永樂中
鴻臚司賓署丞

璩
豫章

唐璩抱朴

神功
登科

璩瑗

官至司徒銀青光
祿大夫封西川侯

宋

璩重

岳州人
登科

璩秉

岳州人
登科

璩經國

廸功
郎

明璩新源

涇縣人
洪武三十年貢士任知州

璩坎

山東人
永樂貢士知縣

璩錫

曲周人
正統中太常典簿

璩鎮海

大浦人
宣德間以楷書入為戶部主事

璩綸

保昌人
成化舉人教諭

璩安

安化人
正德中御史陞僉事

璩德宗

永豐人萬厯間
豹韜衛經歷

璩琇之

和順人萬厯間
鴻臚寺序班

沮

黃帝史臣沮誦之後側魚切

上古沮誦 黃帝史臣

漢沮雋

射聲校尉李郭之亂雋被創墜馬李催謂左右曰尚可活否雋罵之曰汝等凶逆逼迫天子亂

臣賊子未有如汝者惟乃殺之

沮授

獻帝時袁紹臨發沮授會其宗族散之資財以與之曰夫勢在則威無不加勢亡則不保一身

哀哉其弟宗曰曹公士馬不敵君何懼焉以曹兗州之明畧又挾天子以為資我雖克公孫衆

實波契而將驕主汰
軍之破敗在此舉也

沮鵠

袁尚將守邯鄲死於戰

輿

周大夫伯輿之後以王父字為氏又望出河南

漢

輿珍

魏人

漁

見姓苑

宋

漁仲修

元豐元年以宣德郎來尹慶都發姦摘伏勸課農桑人多德之

書

商音尚書官名以官為氏

明

書永琇

鬱林人天順間既寧縣主簿

餘出傳氏

晉餘顏著復錄

南餘元

餘和

餘嚴前燕人

唐餘文仲論風氣武后使著書

宋餘慶眉山人紹興進士

明餘惟興博平人嘉靖中麻合州吏目

譽

晉

譽粹

平原太守

明

譽哲

和順人宣德中山東濮州判官

譽紹芳

南海人嘉靖舉人

譽大壯

南海人萬曆中浙江烏程縣主簿

絮

漢書張敞傳有京兆捕賊掾絮舜謂敞為五日京兆敞殺之女居切又云去聲恐非

明

絮樂心

井研人永樂中任郾縣丞

役

殺諷光祿勳河
南賢士

肫音胥

明肫氏族頗衆居浙江
歸安縣埭邨

蕓音胥吳郡見姓苑

虛出姓苑

苴平陵司馬穰苴之後望出平陵漢書貨殖傳有平陵
苴氏

媿

攄商音

璫

見通志

除

見通志

與

見通志

蘆

見通志

傾

見通志

胄

音胥見直音

嵇

音号見直音

萬姓統譜卷八

欽定四庫全書

萬姓統譜卷九

明 凌迪知 撰

上平聲

七虞

虞

陳留商音舜有天下之號其子商均為虞因為虞氏又武王弟叔虞之後以字為氏又望出會稽

周 虞丘子

楚令尹薦孫叔敖莊王曰子輔寡人寡人得以長於中國令行於絕域遂霸諸侯非子如

何虞丘子曰久固祿位者貪也不進賢達能者誣也不讓以位者不廉也不能三者不忠也為人臣不忠君王又何以為忠臣願從此辭莊王從之賜虞子采地三百號曰國老以孫叔敖為令

尹

虞闕父

鄭子產曰昔虞闕父為周陶正以服事我先王先王賴其利器用也

虞幕

國語虞幕能聽協風以成樂物生者也其後皆以為王公侯伯

虞卿

史記虞卿者游說之士也躡蹻擔簦說趙孝成王一見賜黃金百鎰白璧一雙再見為趙上卿

故號

虞卿

虞香

秦人

虞叔

虞大夫有玉虞公求旃與之又求其實劍曰是無厭也逐之公出奔孔子曰虞公貪而亡虞叔

吞而

逐君

漢
虞延

陳留東昏人性敦樸力能扛鼎少為戶牖官長王莽末兵亂延扞衛鈔盜賴其全者甚眾光武

時官至司徒曾孫放少為楊震門生及震被讒自殺放詣闕白震罪由是知名

虞詡

字升卿武平人祖父經為獄吏務存寬恕詡年十三通尚書孝養祖母舉順孫為郎中出為朝歌長縣多盜詡曰不遇盤根錯節何以別利器即有治聲歷遷武都太守增竈進兵大破羗人

官至高書僕射

虞俊

字仲卿無錫人少以孝友稱明春秋公羊左氏傳哀帝時為御史稍遷丞相司直王莽執政召為司徒俊仰天嘆曰願為漢鬼不能事兩姓飲藥而卒光武即位表其墓

虞國

為日南守有惠政雙鴻隨軒而舞

三 虞溥

字允源高平昌邑人也察孝廉為鄱陽內史大修庠序招生徒移告屬縣勉厲於學為政嚴而不猛風化大行嘗註春秋經傳

撰江表傳及文章詩賦數十篇

虞翻

字仲翔餘姚人少好學有志氣曹操辟不就吳孫權用為騎都尉嘗以所著易示孔融融曰聞

延陵之禮樂觀吾子之治易乃知東南之羨者非特竹箭也

晉 虞潭

字思與翻孫清貞有檢操為吳興內史咸寧三年蘇峻反潭起義兵討之徵拜尚書謚忠烈

虞嘯父

潭孫侍宴孝武帝從容問曰卿在門下初不聞有所獻替耶嘯父家近海謂帝有所求

對曰天時高溫蟹魚鮓鮮未可致尋當有所上獻帝大笑因飲大醉出拜不能起帝顧曰扶虞

侍中嘯父曰臣位未及扶醉不及亂非分之賜所不敢當

虞授

餘姚人少嗜經史壯負志畧以大武材幹舉為
奏曹歷仕廣州刺史居常以死節自勵後竟死

難

虞駿

字思行會稽人有素行累官光祿大夫王導常
謂駿曰孔愉有公才而無公望丁潭有公望而

無公才兼之者其在卿乎
官未達而卒時人惜之

虞谷

字長風吳興太守駿
之子仕吳國內史

虞喜

字仲寧餘姚人預之兄潔靜其操歲寒不移志
操足以厲俗博學足以明道鑽堅研微有弗及

之勤處靜味道無風塵之志釋
毛詩注孝經凡著述數十萬言

虞預

字叔寧餘姚人兄喜博學好古為散騎常侍著
書數十萬言預少好學有文章庾亮等薦其才

行太興中遷秘書丞著作郎著晉書四十餘卷會稽典錄二十篇

虞悝

臨湘人王敦有異志譙王承為湘州刺史徵悝為長史敦遣其黨魏人拔長沙悝被執遂死之

弟望亦為譙王承司馬都護諸軍舉兵討王敦力戰死及敦平詔贈悝襄陽太守望滎陽太守

虞曷

餘姚人初仕吳後歸晉為濟陰太守抑強扶弱甚有威風

南
北
虞愿

字士恭餘姚人宋明帝時為晉安太守郡有越王石常隱雲霧中惟清廉太守乃見愿往觀清

徹無所蔽郡產蚶蛇膽可為藥有遺愿蛇者愿放之蛇歸者再仁心所致也

虞棕

會稽人祖嘯父晉左戶尚書棕任南齊為太子中庶子累遷豫章內史武帝以棕布衣之舊帝

從容謂曰我當令卿復祖業轉侍中遷祠部尚書

虞荔

餘姚人年九歲陸倕問五經事荔對無遺失及長善屬文梁武帝置士林館命為學士

虞綽

字士裕餘姚人姿儀甚偉博學有俊才尤工草隸陳傅繹見其詞賦嘆曰虞郎之文無以尚也

隋大業初為秘書學士與虞世南等撰長洲玉鏡等書十餘部

虞世基

字茂世會稽人博學有高才善草隸孔奐見之嘆曰南金之貴屬在斯人

虞熙

世基之二子也字文化及將亂之夕宗人俱告熙曰事勢已然吾將濟鄉南渡且得免禍同死

何益熙曰棄父背君求生何地感尊之懷自此訣矣及難作兄弟競請先死行人先世基殺之

虞寄

荔弟陳人客陳數歲客朝曰郎子姓虞必當無智寄曰文字不辨豈得非愚客大慙少聰慧及

長志於棲遊嘗作瑞雨頌武帝見之謂荔曰此頌典裁清俊卿之士龍也

唐虞世南

字伯施荔子少與兄世基同受學顧野王十年精思不懈文章瞻博貞觀中為弘文館學

士太宗每稱其五絕一德行二忠直三博學四文詞五書翰

宋

虞策

字經臣錢塘人嘉祐間登進士第哲宗時為監察御史進右正言數上書言事多見施行仕至

吏部尚書樞密直學士弟奕元豐間進士歷官光祿卿戶部侍郎卒贈龍圖閣學士

虞大寧

熙寧間知鄞縣興修水利躬自相度疏洩得宜溉田五百餘頃民利賴之

虞大中

字士朋歷知龍興新建縣通判汀州皆有惠政嘉定間除知循州改知南康軍吏白庫有

羨錢萬緡守例得之大中不問吏復請竟斥去官至朝散大夫

虞大熙

宜興人皇祐二年登進士第神宗朝蔡襄在經筵以治行薦凡臺閣選所薦三十二人大

熙與胡宗愈皆預

馬累薦至侍講

虞肇

字公初邵武人慶厯二年登第充御史臺推直官用法明審出知南安縣未七十謝事歸

虞儔

寧國人孤介不苟隆興初舉進士歷官績溪令飲食服用悉取給於家諸司上其治狀累遷監

察御史排擊貴近朝紀肅然出為浙東提刑

知湖州推行荒政全活甚衆任終兵部侍郎

虞沈

會稽人紹興三年知瓊州瓊隔海洋吏無顧忌民苦侵漁沈乃上疏乞敕監司按治重行責罰

數年之間

民得安生

虞允文

仁壽人七歲能屬文紹興間第進士累官中書舍人直學士院金人入寇允文為督視府

參謀激諸將力戰敗金人於采石孝宗時拜相封雍國公卒謚忠肅出將入相垂二十年孜孜忠勤所著有詩文奏議等集數十卷

虞剛簡

元文孫兄弟八人皆好脩而剛簡最知名嘗與魏了翁范仲黼李心傳輩講學蜀東門外

得程朱微旨著易書論語說以發明其義蜀人師尊之嘉定中召不至子玟知連州亦以大學

名知

虞似良

寓居黃巖自號橫溪老樵有篆隸韻書行世

虞輔國

紹興中為澄海將軍才略雄一時以意氣相許海寇攻城輔國死之

虞申

丹徒人資性和厚勇於赴義宗族有負大司農錢者悉為償之仲弟死嫁其五女撫幼孤如己

子

虞賓

字舜臣山陰人以宣德郎知長洲縣屬歲大稔民無蓋藏部使者猶急宿負檄下曰必辦賓周東大書不問使者怒賓進說云云使使者驚謝之遷比部員外郎

虞夷簡

知富順監以崇化善俗為務禁科歛賑貧窶儲藥石以濟民復立義庄俾養生送死無憾

魏了翁稱其能盡心焉

虞祺

紹興中為夔路轉運判官運司權大寧監鹽例多重征祺悉蠲放每謂法無重征例不可壞法慶厯中知龔州時蠻入寇桂管騷動革經畫軍需先事而集又移書安撫使杜杞請治諸郡城

虞革

及易長吏之不才者

金 虞仲文

寧遠人七歲能詩十歲能文日記千言刻苦學問第進士累任州縣以廉能稱官至翰林

侍講學士

謚文正

元 虞汲

剛簡孫亞之子為黃岡尉僑居臨川之崇仁與吳澄友善澄稱其文清而醇嘗再至京贖族人

被俘者十餘口以歸由是家益貧晚

稍起家教授以翰林院編修致仕

虞集

汲子隨父居臨川天性孝友弘才博學累遷奎章閣學士日取經史中切心德治道者陳進經

筵凡承顧問必隨事規諫而一時大典冊咸出

其手其論薦人才必先器識平生為文萬篇有

道園學古錄行世卒贈仁壽

公謚文靖子安民知安福州

虞槃

集弟性方正少與集從吳澄游嘗著非非國語時稱其有才識詩書春秋皆有論著累官湘鄉

州判官有巫稱神降告灾者州長吏皆厚禮之
槃訊得巫所為狀召至鞠之并其黨繩以法時

服其

明

明
虞謙

字伯益金壇人洪武中由太學生歷官大理卿
天津衛倉灾焚糧數十萬御史按之謂主典者
盜之縱火以自蓋論死者百餘人徒流者七百
餘人皆誣服謙察其寃白於上得減工詩畫所

著有玉

雪齋集

虞誠

字自銘吳縣人洪武間為永州知府創修學治
皆有成算民不勞而事集綽有能聲既去邑人
立碑紀其

政績焉

虞以文

洪武中為陝西按察僉事上疏言前任御史
按治漢中見其民多居深山遷徙無常以避

徭役其膏腴水田皆灌莽彌望莫肯下山開種
蓋因用力勞而稅畝重今若減其租賦則田野

闢而民有恒產矣

上善其言詔行之

虞堪

字克用宋允文諸孫家長洲隱居行誼不樂仕
進家藏書甚富手自編輯其為詩清潤麗則間

寫山水亦有思致雅重先世手澤聞有

雍公遺文雖千里外必購得之乃已

虞臣

崑山人第進士累官布政司叅議剛正不屈
歷官二年即急流勇退清苦節操居家尤著

虞祥

字仲禎崑山人永樂中由鄉舉授上虞教諭陞
禮科給事中遷通政司叅議敷奏詳明終兵部

侍郎卒

於官

虞信

字尚忱沔陽人永樂間擢監察御史歷官按察
使吏畏民懷終河南右布政使性伉直人不敢

欺

虞守愚

字惟明義烏人嘉靖進士歷官兵部侍郎

朱

沛國角音顛項之後周封曹挾於邾後為楚滅子孫避難去邑為朱又望出吳郡

周

朱張

字子弓隱逸不仕行與孔子同

朱亥

大梁人有力隱於屠肆侯嬴薦之魏公子無忌使奉璧謝秦秦王怒使置之虎圈亥髮上衝冠

瞋目視虎虎不敢動遂以禮遣之

朱厲附

莒穆公有臣曰朱厲附事穆公不見識焉冬處於山林食芋栗夏處洲澤食菱藕穆公以

難死朱厲附將往死之其友曰子事君而不見識焉今君難吾子死之意者其不可乎朱厲附

曰始我以為君不吾知也今君死而吾不死是果不知我乎吾將死之以激天下不知其臣者遂往死之

漢朱買臣

字翁子會稽人家貧賣薪自給行歌誦書妻羞之求去買臣曰我年五十當富貴今已四

十九矣此時當報汝妻曰當餓死溝壑中何富貴為聽去適田夫後買臣為會稽太守與夫治道迎官買臣駐車呼之命後車載其夫婦舍園中給食一月婦慚而縊與夫錢葬之

朱儁

字公偉上虞人好義輕財鄉閭敬之累官諫議大夫黃巾起拜為右中郎將與皇甫嵩討平之以功封西鄉侯後拜河南尹董卓議徙都長安儁輒止之卓惡其異已儁棄官奔荊州

朱建

黥布相布欲反建諫止不聽漢聞其諫布拜平原君後又為辟陽侯畫策免死

朱邑

字仲卿舒人舉賢良遷北海太守治行第一入為大司農為人醇厚天性廉正不可交以私自處節儉祿以共族黨而家無餘財及卒天子惜之曰大司農退食自公無疆外之交可謂淑人君子賜其子黃金百斤以奉祭祀

朱家

關東大俠人也漢初陰脫李布之厄及貴終身不見

朱浮

沛國蕭縣人光武初拜幽州牧後征討代賈復為執金吾累遷大司空

朱博

杜陵人初為縣功曹性廉儉歷櫟陽雲陽平陵長安四縣令累遷冀并二州刺史行部決遣如神後為左馮翊官至大司空

朱雲

字游平陵人少通輕俠年四十變節從師授易論語能傳其業好個儻大節與五鹿充宗論易

連折五鹿君諸儒語曰五鹿岳岳朱雲折其角
成帝時為槐里令上書願借上方劍斬佞臣張

禹上怒欲斬之御史將雲
去雲攀折殿檻上命舍之

朱祐 字仲先宛人為入質直高儒學從光武征河北
以為護軍常力戰陷陣累立戰功拜建議大將

軍後封
堵陽侯

朱暉 字文季宛人家世衣冠暉業於太學性矜嚴進
止必以禮光武以暉父奉有舊暉為郎中遷臨

淮太守吏人畏愛之後
拜尚書僕射進尚書令

朱穆 字公肅暉之孫五歲以孝稱及壯耽學舉孝廉
授侍御史出為冀州刺史部令長聞穆濟河解

印綬去者四十餘人後拜尚書祿任數十
年家無餘資蔡邕與門人謚為文忠先生

朱普

廣都人為郡功曹太守與刺史王冀有隙枉被劾普詣新都獄掠管連月肌肉臭腐卒證太守

無事教其子曰我死載喪詣闕使天子知我心

朱遵

武陽人仕為功曹率兵拒公孫述鮮馬死戰贈復漢將軍

朱震

字伯厚靈帝時為銓令其友陳蕃被害徙其家屬於北京宗族門生故吏皆斥免禁錮震聞而棄官哭之收葬蕃尸匿其子逸於甘陵界中事覺繫獄合門桎梏震受拷掠誓死不言故逸得免後黃巾賊起大赦黨人乃追還逸官至魯相

三國朱靈

清河人從曹操征伐有功文帝禪位封郟侯詔稱元功之將社稷之臣後更封高唐侯卒謚曰威

朱桓

字休穆吳縣人孫權為將軍桓給事幕府除餘姚長民戴之以功封新城侯遷奮武將軍為人

輕財貴義愛養吏士

卒之日舉營號慕

朱據

字子範吳人黃武初徵拜五官中郎將補侍御史孫權嘗思呂蒙張溫以據兼文武可以繼之

拜左將軍封雲陽侯據謙虛接士輕財好施遭二宮構爭擁護太子義形言色左遷都郡丞以

死諧

朱治

字君理安吉人隨孫堅征伐有功歷官都尉孫權建國稱帝封治毘陵侯拜安國將軍徙封故

鄣恩敬極隆治薨子才嗣為

人精敏善騎射權亦異之

朱長生

代人魏孝文時為員外散騎常侍與同郡于提俱使高車其王阿伏至羅以兵脅之降長

生與提厲聲曰我為魏鬼不為汝臣拘三歲始
放還孝大以其守節拜長生河內太守提隴西

太守並

賜男爵

朱然

治甥本姓施年十九為山陰令吳呂蒙病篤大
帝問卿不起誰可代者蒙以然對蒙卒假節鎮

江陵蜀漢攻宜都然與陸遜拒破之後封永安

侯子績為建中都尉隨潘濬討五溪以膽力稱

朱異

字季大桓子拜騎都尉敗文欽遷揚
武將軍大破魏軍假節鉞為大都督

晉
朱汎

雲之後大興中為臨海太守有政聲秩滿居蒲
墟村遂為義烏人曾孫幼仕齊遷揚州刺史有

功人歌曰朱幼護

江東人安盜賊空

朱序

字次倫義陽人為梁州刺史鎮襄陽苻堅遣將
圍序城陷被執後謝石與堅戰淝水序唱言堅

敗逆大潰序乃得歸拜龍驤將軍豫州刺史子
湛任至益州刺史孫修之立身清白任宋封南

侯昌

朱伺

字仲文安陸人少為吳牙門將伺武勇口訥不
知書為羣將督見卿大夫揖稱名而已為將遂

以謀
恭稱

朱冲

南安人少有志行鄰人失犢認冲犢以歸後得
犢大慚以還冲竟不受有牛犯其禾稼冲屢持
芻送牛而無恨色主愧乃不復為暴咸寧中召
補學士不應冲居近夷俗羌人奉之若君冲亦

以禮讓訓邑里
化之路不捨遺

南朱謙之

錢塘人數歲父昭之為族人幼方焚死不勝
哀泣即手刃殺幼方自詣縣獄令上其事南

齊世祖嘉

其義救之

朱齡石

沛人世為將相齡石不事崔險從宋武帝平賊有功為鎮軍將軍伐蜀有功封豐城侯弟

超石亦果銳累官中

書侍郎封興平侯

朱修之

字恭祖宋文帝元嘉中累遷司徒從事中郎及後魏克滑臺太武嘉其固守之節以為雲

中鎮將妻以宗室女修之潛謀南歸妻疑之每流涕謂曰觀君無停意何不告我以實義不相

負修之深嘉其

義而不告也

朱异

字彦和為太子博士居權要三十餘年自員外常侍至侍中四官皆珥貂自右衛率至領軍四

職並驅鹵

薄並同

朱泰

武康人家貧鬻薪養母適數十里以外易甘旨以進戒妻子嘗候母顏色一日雞初鳴入山為

虎所攫負之而去泰已瞑眩忽少醒厲聲曰虎為暴食我恨母無托爾虎忽棄泰于地走不顧如人疾驅狀泰匍匐而歸母持以泣泰亦強舉動不踰月如故鄉里聞其孝感以金帛遺之目殘為虎

唐

朱子奢

蘇州人貞觀中高麗百濟同伐新羅假子奢持節諭旨平三國之憾子奢有儀觀夷人尊

畏之累遷弘文閣學士帝欲見起居紀錄臧否子奢曰陛下所舉無過事雖見無嫌然以此開後世史官之禍可懼也

朱佐日

蘇州人仕為御史工於詩武后嘗吟詩曰白日依山盡黃河入海流欲窮千里目更上一

層樓問是誰作李嶠對

曰御史朱佐日詩也

朱忠亮

沒儀人為薛嵩裨將累官涇原四鎮節度使

吏白老卒不任戰者可罷答曰古於老馬不

棄況戰士乎聞者莫不感奮改封

朱誕

温州刺史後二弟褒故相繼刺温州杜荀鶴寄

以詩云永嘉為郡昔推名連屬君家弟與兄教

化盡歸龔渤海文章尚出

朱朴

襄陽人以三史舉昭宗時諫議大夫書言當世

事見唐室寢微勸遷都謂襄鄧實惟中原人心

質良去秦咫尺而上有洛為之限永無夷

朱延壽

舒城人昭宗擢奉國軍節度使敵至撤門

朱仁軌

字德容永城人隱居養親嘗誨子弟曰終身避路不枉百步終身避畔不失一段及卒謚

為孝友先生弟敬則好學重氣節累官同鳳閣鸞臺平章事以直忤時出為鄭州刺史敬則與

三從昆弟居四十年
貲產無異為時所重

朱輔

字德臣耽學自高隱居
不仕著茶山錄六卷

朱季

南陽人吏畏其威民悅其惠肅宗召拜僕射上
便宜報曰補公家之空不累清白之素斯善美

之士也

五代朱葆光

南陽人梁祖篡唐葆光與君舊臣類菟李濤
數輩挈家南渡寓潭州每正旦冬至必序立

南嶽祠前北望號慟殆二十年後濤北歸葆光
遂家於衡子昂讀書至萬卷任宋累官翰林學

士昂澹於榮利進退
有禮有集三十卷

朱弼

仕南唐為廬山國學助教勤持禮法每升堂講
釋生徒環立各執疑難問辨蜂起弼應聲解說
莫不造理以故諸生咸
服四方肄業者多造焉

朱漢賓

誰人為人有膽力仕梁為指揮使累遷昭遠
軍節度使為政能守法好施惠人頗愛之卒
贈太子少傅
謚曰貞惠

朱存

金陵人讀書能詳六朝興敗成亡
之迹仕南唐作覽古詩二百章

宋朱台符

字拱正眉山人父賦舉拔萃官至殿中丞台
符敏于詞賦舉進士累官至工部員外郎嘗
上疏極言朝廷得失有集三十卷弟昌符亦舉
進士官至屯田員外郎台符子公佐亦登進士

第次子壽隆

朱壽隆

諸城人知宿州多劇賊至白晝披甲剽攻郡縣不能制壽隆設方略耳目捕斬千餘人提

點廣西刑獄蠻人畏戢復為東京轉運使歲凶民移壽隆諭大姓富室畜為田僕舉貸立息官為置藉索之貧富交

利終少府監知揚州

朱松

字喬年婺源人舉進士為尤溪尉知饒州松有俊才為文汪洋放肆不見涯涘後取六經子史

讀之以求天下興亡理亂之變又聞河洛之學得聖賢不傳之意乃日誦大學中庸力於致知誠意之地自謂福急官道因取佩韋之義名韋齋

朱熹

字元晦松子天姿粹美讀書務躬行實踐紹興中舉進士主泉州同安簿累遷煥章閣待制侍

講領鴻慶宮祠熹初從劉子羽居崇安後從延平李侗學復徧交當世有識之士遂得聖道之宗平昔著述有諸經傳解四書集註及編通鑑綱目小學楚辭等書後世學者宗師之自絕學以來集諸儒之大成發先聖之秘蘊熹一人而已卒謚曰文追封徽國公從祀孔子廟庭

朱震

字子發荆門人政和中進士累官翰林學士經學深醇人稱為漢上先生所著有漢上易解弟

異亦富學
號二朱

朱應元

字見則震之子初教授靖江府歷官淮東安撫司機宜文字未幾除監察御史崇政殿說

書首劾時宰去之後為大全所忌左遷尋復除監察御史陞右文殿侍講會星變賈似道當國眾畏縮莫敢言應元極陳時政由是遷起居舍人即日斥去子蹕

朱蹕

安吉人知錢塘縣建安三年十二月兀朮完顏宗弼犯臨安守臣康允之棄城退保赭山蹕率

民兵延敵
逆戰死之

朱勝非

字臧一蔡州人以上舍登第靖康初為東道副總管建炎初以中書舍人權直學士院草

制辭氣嚴重上疏論仁義大柄高宗嘉之累官高書右僕射兼御營使平苗劉之亂保護之力

居多卒
謚忠靖

朱敦

字受之文公長子從呂祖謙學用蔭官將仕郎早卒贈中散大夫子鑑奉直大夫湖廣總領孫

溥湜沂彬林炯燭
耿煒堂壑俱列仕

朱埜

字文之文公次子用蔭補官歷朝奉郎子詆南康尹銓監登聞院

朱在

字叔敬文公子以恩補承務郎歷官至工部侍郎時經筵日讀父四書五音訪問不已因請黜

揚雄乞以二程張載從祀帝嘉納之在孫浚累官吏部侍郎死節

朱舜庸

建康人好古博雅嘗編金陵遺事積二十年自里巷口傳仙佛之書無不研綜慶元中留

守吳珺為之詮次
目曰續建康志

朱壽昌

字康叔揚州天長人生七歲父守長安出其母嫁民間母子不相知者五十年壽昌既仕

念母不見行四方求之不已行次同州得焉其母劉氏時年七十餘矣由是天下皆知其孝母卒涕泣喪明有白鳥集其墓上後為司農少卿

朱倬

字漢章閩縣人舉進士忤秦檜出教授越州遷國子監丞除浙西提舉台對高宗曰人不知卿

獨朕知卿除右正言曰人主任以耳目非報怨任氣之地每上疏輒夙興露告若上帝鑒臨紹興三十一年拜尚書右僕射金人犯江陳戰備應三策又策敵必妄意絕江果如所料

朱長文

吳縣人著書閩古吳人化其賢名動京師元祐中起教授於鄉名為太學博士遷祕書省

正字嘗著經史有文集三百卷六經皆為辯說號樂園

朱良

字良伯吳郡人少穎悟世儒科建炎中為海鹽尉金兵入境良曰今日乃忠臣義士死國之時

也集所部百餘人奮擊金兵數人死衆披靡然力不敵竟死事聞官其子思後守漢陽

朱諤

華亭人進士第二徽宗時歷官禮兵吏三部尚書拜右丞居位三月卒謚忠靖

朱弁

婺源人弱冠入太學建炎初議遣使問安兩宮弁奮身自獻詔偕吉州團練使至雲中見金尼

堪邀說甚切尼堪不聽弁復與書言用兵講和利害甚悉而守節不屈後和議成弁得歸轉奉

識郎所著有聘遊集書解行世

朱景

河南鄆師人舉進士調榮澤簿累遷光祿卿知壽州所至有能績臨卒自占遺表皆經國大計

詔加轉贈錄其子以官

朱光庭

景子十歲能屬文辭父蔭舉進士調萬年主簿數攝邑人以明鏡稱元祐間為諫官有聲

言路終集賢院學士知潞州光庭從程顥學嘗學於胡瑗瑗告以學之本在於忠信終身行之

朱敦儒

字希直河南人志行高潔屢辭薦辟避亂客南雄州紹興初臺諫言其深達治體有經世

才召為迪功郎固辭其故人勸之始起奏對稱旨賜進士累遷兵部郎中敦儒素工詩及樂府

婉麗清暢時人推重之

朱昭

府谷人為震威城兵馬監押金人入寇昭以死守城將陷召諸校謂曰大丈夫暴骨境內一生

之事畢矣第妻子不可為敵所污因令盡殺之乃與敵戰殺獲甚眾馬蹶墜墜伏劍罵敵而死

朱蒙正

字養源邵武人元豐八年登第嘗為衡州茶陵丞大觀中以司農寺丞通判德順軍時郡

守武人越常例遺之甚厚蒙正解弗獲乃以所遺寄公帑後守坐賊除名而蒙正無所累

朱之純

休寧人寶祐間游太學有聲時閭宦董宋臣之黨用權天下側目之純率諸生抗疏請斥

去妖邪以清肅朝綱咸淳間授平江府教授以祿不及親隱居不出

朱晞

字子淵休寧人孝宗初知廣濟上言請更合肥之兵從之徙知靖州言襄漢通吳蜀宜移武昌

大軍伐襄陽以控

漢沔孝宗嘉納

朱服

字行中烏程人熙寧進士為監察御史襄行章
博嘗遣袁默見服道薦引意服舉劾之紹聖中

除禮部侍郎後坐與

蘇軾游貶興國軍

朱夢炎

字明叔良五世孫幼穎悟以蔭授將仕郎轉
真州司法叅軍咸稱廉敏性倜儻善持論見

義必為有鑒

江倡和集

朱懷英

字晋老建安人建炎初詔求文武材略出倫
之士有司以懷英列詔從幸揚州又上書略

曰楚懷王以五千里之地帶甲百萬不能報父
兄之辱臣嘗聞此願為朝廷銜命折虜責之以

義而大兵繼進臣雖不免鄙生之烹亦足仰成
陛下孝弟之志雖死猶生也時方議和不果用

朱澡

處州人紹興三年進士知浦城縣事下車延者宿周詢幽隱約民墾荒田滿三歲乃征至期戶

稅倍增興學校脩孔子廟公暇則召屬吏訓以詩書法律歲早祈禱輒雨考滿陞江陵知府

朱翬

浮梁人淳祐中進士授臨江軍學教授累遷少府卿兼右諭德擢華文閣學士遷吏部尚

書與李伯玉湯漢俱有時名號稱饒三尚書有文集奏議行世

朱軾

南豐人嘗從曾鞏學性寬爽輕財急義悉以祖業讓弟軫獨取故居曰此先人廬不可失也仕

為房州

司戶

朱敏

字納之零陵人敏舉進士歷邵陽丞辰州判官天資重厚持身廉正居官不事威嚴而人自悅

服與人交不論不瀆言貌粹和見者心醉

朱京

軾子博學淹貫登進士甲科為太學錄神宗數召見論事擢監察御史彈劾無所回奪官至國

子司業弟彥累官刑部侍郎褒為屯田員外郎襄知韶州皆有時名

朱翌

字新仲安慶人紹興中為中書舍人秦檜惡其不附已諷言者論其黨趙昇謫居韶州十九年

名山勝景游覽殆遍所著有湘江集

朱龍文

字鼎臣自幼刻意問學父蚤世母教之甚嚴傍舍難初鳴即促起讀率以為常由是六經

百氏之書靡不淹貫遂以易魁鄉試比登第主高郵興化簿會寶應有訟葑田者久而未成漕司檄使按治片言而服咸淳間為揚州僉廳制司有疑獄歷十餘年不能明案牘山積以示之一披閱即得其情賈似道專政士欲速化者奔走其門龍文終身不以姓名交其不干進如此

子德修力

修進修

朱煥文

字實甫弱冠有聲胄監初署迪功郎教授池州後以湖州教授致仕屬大明敏清麗尤善

於詩嘗寄內弟馬端臨一聯云江山千里俱頭白骨肉十年終眼青有北山稿若干卷龍文煥

文俱安

吉人

朱輅

郴人紹聖間登第通判邵陽累治疑獄人以不寬後知郴終任獄無一死罪甘露降於州署前

之松逾月松下地猶

潤人謂其善政所感

朱定國

神宗時知六合縣時議開馬昌河通滁州者定國以為不可使者以其首具所論數移地

局以困之定國

即告致仕歸

朱彥博

洋鄉人嘉祐間進士通判順州上神宗書極言當世利害歷知虔虢解三州所至有聲嚴

而不苛明而不察

官吏畏之如神

朱孟常

建炎中南平知縣不尚苛嚴奏蠲累歲逋負魚課及購獲強暴置于法民咸德之

朱友恭

涇原路第一副將捍金人有功會金兵大集友恭力戰被執以不降遇害

朱景文

清江人自少俊邁傑出讀書過目不忘為文頃刻立就雄瞻豪爽如其為人乾道間舉進

士

朱昂

字舉之荆南人好學有清節時有朱遵度者好讀書人號為朱萬卷昂為小萬卷累官工部

侍郎弟協以純謹著稱仕至左客郎中雍王府

翊善亦以告老歸時人比之二疏昂子正彝正

辭並登

進士第

朱熠

平陽人端平初武舉第一累官至侍御史彈劾甚多歷知樞密院事兼叅知政事

朱祐

仙遊人治平中進士紹聖初章惇當國首倡異議人爭附之祐獨陳正心誠意知人安民之說

除都官員外郎以鄒浩貶贖金特厚追一官勒停後除給事中編入元祐黨籍

朱牧

字子文閩縣人宋季第進士調隆興府士曹丙子之變死於官鄉人咸謂牧生有文名死於節

私謚曰文

貞先生

朱庭傑

字世英永福人崇寧中登進士建炎中為北流令金人犯闕官屬皆遁庭傑堅守不動城

隅有水度敵至必飲水投以野葛飲者中毒死俄而他兵至力不能抗罵敵而死

朱道誠

全州人幼喪父事母至孝母卒廬於墓側感冬筍生瑞竹覆其墓州以聞詔賜絹米其子

揚善孝亦如之至和中詔賜絹米如父恩

元

朱德潤

字澤民崑山人幼誦讀一過能記壯工詩文間得許道寧畫試加塗抹遂臻真妙延佑末

遊燕京趙孟頫薦之及見命為編修表摘皆與友善至正中浙省辟為參謀

朱震亨

字彥修金華人師事許謙為高第弟子其清修苦節絕類古人篤行之士所至人多化之

尤精於醫所著有

局方發揮等書

朱夏

字元會一字好謙金谿人早闕草廬先生門數舉進士不第益杜門治經闕為文不及於古不

止草廬閱其文闕

濟南闕

在江南

行臺辟憲司掾京兆闕

其在相位闕

薦入史館

皆未就知者往往惜其才至正中鄉冠起竟罹其禍所著有陽名集數十卷

明朱亮祖

六安人元末為義兵元帥被天兵戰敗擒詰之對曰生則盡力死則死耳乃壯其言而釋

之累從征伐以功封永嘉侯

朱文

無為州人洪武初開國功臣守太倉後陞後軍都督府都督

朱吉

德潤子字季寧洪武中以薦授戶科給事中首疏請寬胡藍黨禁以安反側後以善書改中書

舍人尋改侍書出為湖廣僉事有文學所著有三畏稿子定安字士隆尤工古篆嘗積其草書焚之名曰篆冢春坊吳均有篆冢記次奉安字士栗領鄉薦次永安字士常亦善筆札皆清修

篤學不墜

其家聲云

朱升

休寧人師同郡陳搏博極羣書隱居石門至本朝王師下徽州被詔屢承顧問授翰林學士洪武二年以老疾致仕終于家所著有易詩書周儀禮禮記四書孝經小學旁註及書傳補正輯註

朱逢吉

字以貞崇德人洪武中以求賢擢知寧津縣有德政陞湖廣按察司僉事入為大理左寺丞所著有牧民心鑑童子習二書

朱善

字萬備豐城人十歲能屬文長通五經尤邃于詩洪武初累官至大淵閣學士終于家所著有詩經解頤一齋集遼海集

朱煦

仙居人父季用為福州知府洪武中詔革積歲官吏季用坐罪築城日用錢數十緡季用病痢

被楚謂煦曰吾旦夕死矣但汝吾骨歸葬時令嚴赴訴者死煦曰等死耳倘吾父以訴獲免亦無憾乃上疏奏訴上觀其情遂赦季用而復其本官同時以煦訴獲免復官者一十四人已而煦感疾死人皆哀之

朱守仁

徐州人有大志好讀書元末兵亂為樞密同知守舒城洪武初累陞工部尚書轉北平行省參政以饋餉不繼請蒼梧知縣歷知二州以治最陞四川布政使未幾詔拜太僕寺卿眷賚有加尋致仕守仁茂樸無華始終一誠故見重焉

朱濬

壽州人父伯賢為長史有輔導功濬以父蔭補官陞北京刑部尚書勤能著稱三子皆為顯官

朱能

字士行懷遠人父亮國初渡江從征積功至燕山中護衛千戶能嗣其職沉毅有智略從師平

內難降強撫順屢建勲勞封成國公永樂初進太子太傅安南叛率師討之以疾卒於龍州卒之日將校皆流涕追封東平王謚武烈

朱鑑

北平都指揮守大寧靖難兵至大寧諸將陳亨房寘皆降鑑力戰不支被縛罵不絕口而死

朱仲安

蕭山人永樂間由學官累陞河南按察使仲安以學行見知於仁宗每顧侍臣曰朱仲安

今御史之翹楚也將大用之而宮車上賓矣仲安廉慎厚重臨事必陳大體云

朱孔暘

華亭人永樂中中書舍人陞順天府丞筆力道勁得書法之妙朝廷凡有題額皆出其手

朱勇

能子性至孝居喪哀毀人不能堪正統初提兵禦敵歿於陣追封平陰王謚武勇修幹魁顏

望之森然善騎射待士卒有恩尤重文士工大書縉紳咸推重之

朱英

字世傑桂陽人正統進士歷官左都御史諡恭簡性度宏暢才識通敏剛介而仁恕所至有惠政

朱驥

少保子謙壻也天順初謫戍邊成化初得還任尋掌錦衣衛印為政不苛司衛事二十餘年善始令終君子稱其老成得體敦厚不刻云

朱謙

山東夏邑人嗣指揮僉事正統中累功陞都督同知充鎮朔將軍總兵宣府景泰元年禦虜有功封撫寧伯贈侯子永嗣累功太子太傅進封保國公加太師卒封宣平王諡武毅

朱欽

字懋恭邵武人成化進士任寧波府推官力築宅上堰以殺潮勢民賴其利巡撫張公勞之有詩曰捍潮有力能回海立政無私可問天召拜御史表著朝端論列侃侃歷副都御史巡撫山

東効劉瑾殺王岳之罪逮
獄罰粟輸邊瑾誅復職

朱希周

字懋忠崑山人弘治進士第一歷官南京吏部尚書謚恭靖莊重簡沈凝然有守坦夷平

直廉不徼名厚德
直諒人不可及

朱應登

字升之寶應人生而奇異弱冠通經史百家第進士與江東顧璘徐禎卿輩並著時名詩

調高古迥逐唐人不落近格所至以文學飾史事陞陝西提學副使遷雲南叅政致仕卒著凌溪集藏於家

朱裳

字公垂沙河人正德進士歷官右副都御史清信自堅自號安貧子既顯改安齋自都御史守制還居無賓堂土壁席門自奉常茹菜連旬無肉食為御史按山東時魯人偽傳曰長齋公

朱廷聲

字克諧進賢人正德中累官副都御史撫治湖廣器量寬博風紀振肅招撫夷獠安

朱方

字子大山山西平定人嘉靖十六年以監察御史巡按河南清苦自勵糾察嚴審每巡歷則單騎馳往雖叢爾小邑無不躬至奸豪斂跡百姓至今懷之

朱廷立

字子禮通山人嘉靖癸未進士授監察御史擢太僕少卿官至禮部侍郎質任渾朴言動直坦好惡不形乃進退可否動以古道自持不逐時好觀察所至獨秉大體不尚苛刻久立朝著惟以忠厚正直為務雅好理學喜為文辭至老不倦士林推重之

朱懷幹


字守正歸安人嘉靖壬辰進士授刑部主事詳刑慎法大司寇唐文襄龍獨才之以議皇

親張延齡獄謫秦州同知歷揚州知府恤刑獄
興學校節冗費郡稱大治進鮮貴璫橫索夫價
拒不納遂誣奏下詔獄謫韶州同知晉思南知
府復以直忤監司歸平生孝友尤儉素甘蔬糲
于官于家必行其志屢遭
貶黜不易所守士林重之

朱曰藩

字子价應登子嘉靖甲辰進士歷九江知府
萬才博學文希古作者詩多藻思父子以文

章名
家



萬姓統譜卷九